


35

2117/2143





CHINESE - JAPANESE LIBRARY OF
HARVARD - YENCHING INSTITUTE
AT HARVARD UNIVERSITY
DEC 11 1937

西河合集

蕭山毛奇齡

字大可
初晴稿

文輝克有較
遠宗姬潢

春秋條貫篇

七

宣公

元年 春王正月公即位

魯求好
于齊公子遂如齊逆女 六條
一貫

前齊懿弑逆時虐于叔姬魯文為齊懿侮辱久矣

至是齊懿被弑魯文亦死宣公以殺適見立請婚

于齊且服甫及期而遽作喪婚罪可知矣若其娶

哈佛大學漢和
圖書館珍藏印

何公之女則策書亦未詳也

求三月遂以夫人婦姜至自齊公以孫獻貝立前

求夏季孫行父如齊于郊

求又賂齊求盟焉

求公會齊侯于平州

求公子遂如齊

求因謝盟

求六月齊人取濟西田

而取賂以去其卑曲如此

晉放其大夫胥甲于衛

文十二年秦晉戰河曲時晉趙穿胥甲俱不用命交綏而退今舍趙穿而獨放胥甲趙盾之曲也

秋邾子來朝

晉楚爭宋鄭陳所始楚子鄭人侵陳遂侵宋

晉楚各欲以宋陳鄭為屬國而未有定也至是鄭

人窺趙盾無道而不足恃遂幡然歸楚而陳靈公

以共公之卒楚人不禮因受盟于晉是時楚莊王

爭霸楚強晉弱楚遂挾鄭以侵陳并侵宋

宋鄭陳晉趙盾帥師救陳

趙盾救陳宋不克經不書救宋以盾不敢至宋也

宋鄭陳宋公陳侯衛侯曹伯會晉師于棐林伐鄭

盾乃挾陳宋并諸國轉而伐鄭楚遣蔣救鄭敗

晉于北林獲晉大夫解揚囚之

宋鄭晉人宋人伐鄭

晉報伐又不克

宋鄭陳宋鄭二年春王二月壬子宋華元帥師及鄭公子歸

生帥師戰于大棘宋師敗績獲宋華元

乃使宋鄭自決戰而宋又大敗獲宋華元去

宋鄭陳夏晉人宋人衛人陳人侵鄭

晉宋于是仍合四國以侵鄭又不克而罷

晉君秋九月乙丑晉趙盾弑其君夷臯

時晉靈侈虐趙盾以數諫不聽靈欲殺盾已鬪于

朝矣盾鬪歸而亡駕言出山其從子趙穿遂攻靈

于桃園而弑之盾遽返使穿迎公子黑臀于周立

為成公太史曰亡不出境返不書趙穿弑靈出

冬十月乙亥天王崩

三年春王正月郊牛之口傷改卜牛牛死乃不郊

猶三望晉楚爭葬匡王宋鄭楚子伐陸渾之戎

宋鄭夏楚人侵鄭二十條

趙盾耻伐鄭不克乃于弑君後驟伐鄭以使之必

服鄭不得已與晉平而楚之爭鄭者至矣與之必

陳宋鄭 四年冬楚子伐鄭

乃楚伐鄭而盾不救然鄭未與楚平也

陳宋鄭 五年冬楚人伐鄭

及楚又伐鄭鄭猶未平而陳忽叛晉而歸于楚晉

乃以伐陳之師兼救鄭焉經不書救惡救晚也

陳宋鄭

六年春晉趙盾衛孫免侵陳公于黑野于而立

陳宋鄭

及晉再侵陳而陳與晉平

陳宋鄭 八年楚師伐陳

楚乃舍鄭而伐陳

陳宋鄭

九年九月晉侯宋公衛侯鄭伯曹伯會于扈晉

荀林父帥師伐陳辛酉晉侯黑臀卒于扈

晉會諸國而陳侯不至晉亦伐陳值晉成公卒而

陳宋鄭

罷是年晉成之子景公立然而楚復舍陳而伐鄭

時晉景以卻缺為政不用盾故晉救急至而鄭得

陳宋鄭

以拒楚師然而楚復踵伐取鄭成去而傳未詳也

當是時鄭以楚踵伐之故不得已與楚成而晉又

宋鄭 楚子伐鄭

鄭以晉伐之故不得已與晉成而楚又伐之

宋鄭 十一年夏楚子陳侯鄭伯盟于辰陵

鄭乃曰晉楚不務德而務兵爭吾與其來者可也

謂來即歸之因又與楚平而并盟陳焉

宋鄭 丁亥楚子入陳

乃以陳夏徵舒弑君之故楚莊為討賊故入陳是

時陳服楚非爭陳也然陳亦創矣

宋鄭 十二年春楚子圍鄭

而鄭則以盟楚之故晉復來討不得已又與晉平

而楚又伐之圍城至三月晉不敢救鄭伯乃肉袒

牽羊行成于軍且以子良為楚質而鄭亦創焉

宋鄭 夏六月乙卯晉荀林父帥師至楚子戰于邲晉

師敗績

及楚已服鄭而晉救方至至決戰而晉又大敗

宋鄭 十三年冬晉殺其大夫先穀

以敗故

宋鄭 十二年冬晉人宋人衛人曹人同盟于清丘

晉乃大會諸國將挾宋衛以伐陳鄭而衛人不從

宋鄭 宋師伐陳衛人救陳

但使宋伐陳而衛反救之

詳見後衛叛晉條

宋鄭

十三年夏楚子伐宋

越明年楚子復伐宋以報宋伐陳之役策書誤

宋鄭

十四年晉侯伐鄭

晉不敢爭陳仍復爭鄭以邲之戰為救鄭敗也因

假為討貳君親帥師然但蒐鄭野不敢入鄭而還

宋鄭

秋九月楚子圍宋

楚子又伐宋以報伐鄭之役且以其時宋殺楚使

故并力伐之

宋鄭

十五年夏五月宋人及楚人平

方是時宋告急于晉而晉人不敢救也至是圍宋

將一年矣宋華元夜入楚師乞公子子反輸以情

實楚始許宋平而于是宋鄭陳三國無不受楚大

創者嗟乎爭霸之禍人國如此

秋齊

三年秋赤狄侵齊

四年赤狄侵齊

宋滅曹

僖十五年宋人伐曹

策書闕

宋曹

十九年宋人圍曹

策書闕

宋曹

宣三年宋師圍曹

按宋與曹有舊怨屢興構伐而皆不得詳其事策書俱闕即此圍曹左氏仍以宋舊事抵塞之而皆非實錄夫曹宋小國與魯無與夫子歷紀之以至于滅此其中必有故而惜其詳乎經而傳反闕也故吾于條貫之際引僖年伐曹事並列于此以為滅曹考証焉

宋曹

哀四年宋樂髡帥師圍曹

策書闕

宋曹

六年宋向巢帥師伐曹

策書闕

宋曹

七年宋人圍曹

策書闕

宋曹

八年春王正月宋公入曹以曹伯陽歸

至是宋景親伐曹執曹伯而曹滅矣策書祇云伐曹時以曹人詭宋景而滅此豎子之語總是策書全闕不可考耳但此滅曹見左傳史記而孟子時有曹交者趙岐註曰曹君之弟亦不可解

三年冬十月丙戌鄭伯蘭卒葬鄭穆公

齊魯

四年春王正月公及齊侯平莒及邾莒人不肯

公伐莒取向

三條

莒鄰二國不知何故而齊與魯共平之策書總未詳也

莒十一年公孫歸父會齊人伐莒

策書闕

莒十三年春齊師伐莒

策書未詳

四年秦伯稻卒共

鄭弒夏六月乙酉鄭公子歸生弒其君夷鄭靈初立

食寵之故與公子歸生共謀弒之

五年春公如齊夏公至自齊

策書闕

秋九月齊高固來逆子叔姬固自迎

叔孫得臣卒

冬齊高固及子叔姬來

六年夏四月秋八月螽冬十月

七年春衛侯使孫良夫來盟謀會

夏公會齊侯伐萊秋公至自伐萊

策書未詳

大旱

冬公會晉侯宋公衛侯鄭伯曹伯盟于黑壤

八年春公至自會不許盟踰年始歸諸侯時公未朝晉故止公于會而

夏公子遂如齊至黃乃復

策書闕

辛巳有事于太廟仲遂卒于垂

公子遂字襄仲故氏仲

壬午猶繹萬入去籥

以仲遂赴至減樂禮也

戊子夫人嬴氏薨

楚滅舒蓼楚人滅舒蓼

秋七月甲子日有食之既

冬十月己丑葬我小君敬嬴雨不克葬庚寅日中而克葬

城平陽

九年春王正月公如齊公至自齊

夏仲孫蔑如京師聘周也

齊侯伐萊

策書闕

魯取根牟取根牟東夷國也

策書闕

八月滕子卒冬十月癸酉衛侯鄭卒

未圍宋人圍滕二條春秋釋例謂滕為齊所滅而國策作宋滅滕則宋

于滕或不無覬視之意而惜策書之前未詳也此

與十年伐滕不知何故而夫子歷書之非無為者

因就其所書而條貫如此

宋十年六月宋師伐滕

陳靈被陳殺其大夫洩冶六條

陳靈公與孔寧儀行父通于夏姬大夫洩冶既諫

公被殺

癸未陳夏徵舒弑其君平國

陳靈夏姬子徵舒伺公至其家弑之

陳靈十一年冬十月楚人殺陳夏徵舒

丁亥楚子入陳見爭宋

孔寧儀行父奔楚楚子為討賊因入陳

納公孫寧儀行父于陳

納二子而去

陳靈十有二年春葬陳靈公

十年春公如齊公至自齊策書

齊人歸我濟西田前所賂者以

夏四月丙辰日有食之

己巳齊侯元卒

春秋條貫篇

齊崔氏出奔衛崔杼有寵于齊惠公至是惠卒而高氏逐之

公如齊公至自齊奔齊惠喪也

公孫歸父如齊葬齊惠公

秋天王使王季子來聘聘報

公孫歸父帥師伐邾取繹

策書未詳

大水季孫行父如齊聘新君也冬公孫歸父如齊

齊侯使國佐來聘聘報饑

十有一年春王正月秋晉侯會狄于攢函以狄服也

十有二年秋七月

楚蕭冬十有二月戊寅楚子滅蕭

晉衛叛晉人宋人衛人曹人同盟于清丘見宋鄭陳條三條一貫

晉以邲之戰為楚所敗乃盟宋衛曹以謀伐陳鄭

晉叛宋師伐陳衛人救陳見宋鄭陳條

十齊魯衛陳宋原不甘為晉屬國當晉襄討魯衛朝

晉時陳共公不平使衛成公抗晉遣大夫孔達與

師報伐而勢不能敵終與魯朝晉且執孔達以拘

于晉者三年衛君臣痛心久矣至是晉敗于楚衛

以為可抗而且德陳之相恤因背盟救陳仍以孔

達帥師而無如仍不敵也

晉叛

十四年春衛殺其大夫孔達

晉乃討衛叛遣使坐責欲得孔達而甘心焉達遂

自縊以謝晉魯史書此著晉惡也而胡氏以為干

犯盟主其漫不曉事如此

十有三年秋螽

十有四年夏五月壬申曹伯壽卒晉葬曹文公

冬公孫歸父會齊侯于穀

策書不詳其事

十有五年春公孫歸父會楚子于宋

以楚子圍宋久而往會之

事見爭宋鄭陳條

晉滅

六月癸卯晉師滅赤狄潞氏以潞子嬰兒歸

王札子殺召伯毛伯

以爭政故也

秋螽

仲孫蔑會齊高固于無婁

策書闕

初稅畝會冬螽生初饑

十有六年

晉滅

春王正月晉人滅赤狄甲氏及留吁公

夏成周宣榭火五秋郟伯姬來歸

策書總闕

冬大有年

十有七年春王正月庚子許男錫我卒

丁未蔡侯申卒晉夏莖許昭公葬蔡文公

六月癸卯日有食之

己未公會晉侯衛侯曹伯邾子同盟于斷道

晉不知以何事會諸侯策書不詳

秋公至自會高國于無婁

冬十有一月壬午公弟叔肸卒

十有八年春晉侯衛世子臧伐齊

前斷道之會齊侯不至故伐之以泄于嬰泉

公伐杞

策書闕

蕭山毛奇齡

字初晴稿

夏四月

文輝克有較遠宗臣黃

秋七月邾人戕鄆子于鄆

策書不詳其事

甲戌楚子旅卒

莊王

公孫歸父如晉

聘晉

冬十月壬戌公薨于路寢

歸父還自晉至笙遂奔齊

公孫歸父為襄仲之子襄仲殺嫡而立宣公故其

子歸父相繼爲卿至是宣薨季文子乃發其父罪而拒之奔齊

卷七

西河合集

蕭山毛奇齡

字初晴稿

文輝克有較遠宗姬潢

春秋條貫篇

八

成公

元年春王正月公即位

二月辛酉葬我君宣公無冰三月作丘甲

魯衛晉

夏臧孫許及晉侯盟于赤棘

六條一貫

齊虐魯久矣前宣十七年晉盟斷道時使郤克徵會于齊齊以郤克之跛也惟婦人觀之而笑且不

春秋條貫篇

赴會。晉既已伐之矣。至是齊又謀伐魯。魯告難于晉。因乞盟焉。

齊敗 三年春齊侯伐我北部。

時齊頃公親至魯圍魯龍邑。龍人獲齊頃嬖人。膊之而投之城下。齊遂取龍而師及北部。

齊敗 夏四月丙戌衛孫良夫帥師及齊師戰于新築。衛

師敗績。

衛侯以齊師在魯使大夫侵齊而不能敵也。

齊敗 六月癸酉季孫行父、臧孫許、叔孫僑如、公孫嬰齊

帥師會晉卻克、衛孫良夫、曹公子首及齊師戰于鞌。

齊師敗績。

于是魯臧孫許、衛孫良夫同乞師于晉。晉卻克請以八百乘同魯衛出師與齊戰于鞌。齊師大敗。幾獲齊頃公。齊乃以重賂求成于晉。晉請以齊侯之母蕭同叔子為質。蓋惡前婦人之笑也。時魯衛在軍者皆勸晉受成。

齊敗 秋七月齊侯使國佐如師。己酉及國佐盟于袁婁。

晉從之。遂與齊盟。

齊敗 取汶陽田。

且使齊歸我所侵之田。至是取之。

元年秋王師敗績于茅戎定王以伐戎致敗

冬十月

二月八月宋公鮑卒 庚寅衛侯速卒

楚挾鄭責冬楚師鄭師侵衛三條一貫

楚莊王時魯宣曾求好于楚至是魯衛以齊難歸

晉楚共新立忌之因挾鄭來責伐衛并伐魯焉

魯衛十有一月公會楚公子嬰齊于蜀

魯衛丙申公及楚人秦人宋人陳人衛人鄭人齊人曹

人邾人薛人鄆人盟于蜀

魯衛不得已請盟時齊魯衛宋鄭陳與秦曹許蔡

等共十五國皆在會而楚意已無他矣

晉楚三年春王正月公會晉侯宋公衛侯曹伯伐鄭

五十一條一貫

獨是宋鄭陳為晉楚所爭在宣之末年三國皆大

創而嗣此宋每屬晉陳每歸楚或偶一爭及而究

非所急一若專意于服鄭者乃鄭復從楚以伐魯

衛則自貽戚矣晉于是伐鄭而魯衛佐之楚共雖

爭鄭然無如魯衛何也

二月公至自伐鄭

鄭爭五年十有二月己丑公會晉侯齊侯宋公衛侯鄭

伯曹伯邾子杞伯同盟于蟲牢
于是鄭又服晉

鄭爭六年春王正月公至自會

鄭爭楚公子嬰齊帥師伐鄭

而楚又爭之

鄭爭七年秋楚公子嬰齊帥師伐鄭公會晉侯齊侯宋

公衛侯曹伯莒子邾子杞伯救鄭八月戊辰同盟于

馬陵

楚爭不已而晉摟諸侯以救鄭且與之盟

鄭爭公至自會

鄭爭九年公會晉侯齊侯宋公衛侯鄭伯曹伯莒子杞

伯同盟于蒲

又盟

公至自會

鄭爭晉人執鄭伯晉欒書帥師伐鄭

楚乃反以賂誘鄭鄭畏之不得已私與楚使會而

未往也至是鄭伯朝晉而晉執之復使欒書伐鄭

鄭不得已使大夫求成于晉而晉又殺之

鄭爭鄭人圍許

楚子使令尹子重侵陳以救鄭鄭乃借圍許以示

鄭爭

整暇且立成公之子曰鄭有君矣

鄭爭

十年衛侯之弟黑背帥師侵鄭

鄭爭

晉乃先使衛侵鄭

五月公會晉侯齊侯宋公衛侯曹伯伐鄭

又以前晉侯疾使太子假為晉君

鄭爭

得已復賂晉求成而鄭君得歸

十五年楚子伐鄭

于是晉景卒厲立又五年矣楚共亦無意爭鄭而

鄭爭

公子側欲北師子貞沮之不得遂伐鄭鄭與楚平

鄭伯戰于鄆陵楚子鄭師敗績

晉以鄭平楚之故復伐鄭而楚子救之時兩師相

當而晉師以射楚共王中目故云楚敗經但書楚

子敗績不書楚師以是也

鄭爭

楚殺其大夫公子側

以其北師伐鄭也

鄭爭

公會尹子晉侯齊國佐邾人伐鄭

然晉則可已矣乃復摟王官并齊魯伐鄭而諸國

皆病幾不能軍

鄭爭

十七年春衛北宮括帥師侵鄭

鄭乃侵晉邑自虛及滑而衛救之晉遂命衛侵鄭

鄭爭 夏公會尹子單子晉侯齊侯宋公衛侯曹伯邾人
伐鄭

當是時鄭成感楚共傷目之故以太子質楚而楚亦令諸公子戍鄭晉雖摟王官名諸侯伐之

鄭爭 六月乙酉同盟于柯陵

又盟以固之而楚救即至

鄭爭 秋公至自會

諸師皆退

鄭爭 晉侯使荀瑩來乞師

夫如是晉亦可以已矣乃復名魯師

鄭爭 冬公會單子晉侯宋公衛侯曹伯齊人邾人伐鄭

仍挾王官并諸國伐之鄭不服也

鄭爭 襄元年夏晉韓厥帥師伐鄭仲孫蔑齊崔杼曹人

邾人杞人次于郕

會晉厲被弑晉悼方立而韓厥為政思以啟霸急

挾諸國以伐鄭入鄭郭敗鄭徒兵于洧上

鄭爭 秋楚公子壬夫帥師侵宋

楚救鄭不及轉而侵宋鄭亦取宋縣以報之

鄭爭 二年六月庚辰鄭伯踰卒晉師宋師衛甯殖侵鄭

而不謂鄭成之已卒也乃晉厲之弑楚帥師在宋

不伐喪。今晉伐鄭，喪則悼無道矣。當鄭成卒時，子駟請事晉。鄭成曰：「楚君以鄭故，親集矢于其目，吾背之，不忍也。」至是，晉師至，請成子駟曰：「官命未改。」秋七月，仲孫蔑會晉荀瑩、宋華元、衛孫林、父曹人、邾人于戚。

乃晉悼必欲鄭服，復合諸侯以謀鄭。冬，仲孫蔑會晉荀瑩、齊崔杼、宋華元、衛孫林、父曹人、邾人、滕人、薛人、小邾人于戚，遂城虎牢。且挾十國師以威諸侯，遂用孟獻子之計，城鄭虎牢之屬晉者，而據以偪之。

鄭爭三年六月公會單子晉侯、宋公、衛侯、鄭伯、莒子、邾子、齊世子光。巳未，同盟于鷄澤。

鄭不得已，乃求成而為之盟焉。方是時，楚共閔鄭成之死，舍鄭爭。陳見後卷而鄭患少息。

鄭爭八年，鄭人侵蔡，獲蔡公子燮。

乃不意相距五年，鄭人忽侵蔡而致楚怒也。

鄭爭冬，楚公子貞帥師伐鄭。

及楚伐而晉救不至，復與楚平。

鄭爭九年冬，公會晉侯、宋公、衛侯、曹伯、莒子、邾子、滕子、薛伯、杞伯、小邾子、齊世子光，伐鄭。十有二月巳亥，同。

盟于戲

晉乃大伐鄭以示必下鄭不得已又與晉平時鄭
 六卿諸公子皆在會晉士莊子為載書曰既盟之
 後鄭國而不惟晉命是聽而有異志者有如此盟
 鄭公子駢趨進曰天禍鄭國使介居二大國之間
 大國不加德音而亂以要之使其鬼神不獲歆其
 禋祀其民人不獲享其土利夫婦愁苦墊隘無所
 告訴自今日既盟之後鄭國而不惟有禮與強可
 以庇民者是從而敢有異志者有如此盟苟偃使
 改載書鄭不從乃復以諸侯圍鄭不克而還

楚子伐鄭

楚乃伐鄭而鄭曰吾盟固云惟強是從今楚伐而
 晉不我救則楚強矣乃又與楚平

公會晉侯宋公衛侯曹伯莒子邾子齊世子光滕

子薛伯杞伯小邾子伐鄭

晉又挾諸國伐鄭

楚公子貞帥師救鄭

然且諸侯之師皆受晉命以戊虎牢乘鄭有盜禍
 而偏之無道極矣時鄭不得已將與晉盟而楚救
 適至諸侯無戰志鄭夜涉潁水與楚師盟而晉不

敢近舍之而去。晉策書鋪張其事，謂晉悼與霸三駕而楚人不敢與爭。此一駕也，何如也。

鄭爭 公至自伐鄭

鄭爭 十一年公會晉侯宋公衛侯曹伯齊世子光莒子

鄭爭 邾子滕子薛伯杞伯小邾子伐鄭

乃晉復不已，仍召諸國以伐鄭。鄭何罪，諸國何罪。

鄭爭 秋七月己未同盟于亳城北

鄭不得已，又乞盟焉。

鄭爭 公至自伐鄭

鄭爭 楚子鄭伯伐宋

而楚救適至鄭，遂會楚以伐宋。二駕何如耶。

鄭爭 公會晉侯宋公衛侯曹伯齊世子光莒子邾子滕

子薛伯杞伯小邾子伐鄭，會于蕭魚。

前晉以夏月召師，七月盟亳城。諸侯之師皆七月

始散，而即于是月。重召諸侯之師而使之復來，而

諸侯之師不旋踵而同時畢至，又並無一敢稍違

者是。雖桀紂之虐，湯武之仁，總無若是之神。且速

也。然而楚師已去，兩大強弱曾未分，而諸國與弱

小俱糜爛矣。時鄭以重賂乞成，而晉師始退。

鄭爭 公至自會

鄭爭

楚人執鄭行人良霄

鄭乃告楚而楚知鄭欲從晉遂執其使幸嗣此楚

共王卒且歷有吳患遂無意爭鄭

鄭爭

冬秦人伐晉

見秦晉構兵條

然又約秦人伐晉以報蕭魚之役

鄭爭

十二年冬楚公子貞帥師侵宋

又侵宋以報蕭魚之取鄭而後已然則三駕蕭魚

楚未嘗不敢與晉爭也

鄭爭

十八年楚公子午帥師伐鄭

越六年鄭公子嘉欲去諸大夫將叛晉而誘楚師

以發難諸大夫覺而備之楚覘其無應遂去

鄭爭

鄭殺其大夫公子嘉

鄭爭

二十四年冬楚子蔡侯陳侯許男伐鄭

是時晉伐齊楚以救齊故及之非有意爭鄭也

鄭爭

二十六年冬楚子蔡侯陳侯伐鄭

于是諸國皆厭亂值宋向戌善于晉趙武楚屈建

欲平晉楚以弭諸侯之兵先與晉楚及諸國各有

成言因假楚伐鄭以為合好所自始使諸侯徵會

得以有辭

鄭爭

二十七年夏叔孫豹會晉趙武楚屈建蔡公孫歸

生衛石惡陳孔奐鄭良霄許人曹人于宋蔡公無
鄭爭秋七月辛巳豹及諸侯之大夫盟于宋

然後大為盟會以息兵使諸國同歸于好自此以
後有盟會而無兵車而于是樓伐之禍稍衰止焉

三年辛亥葬衛穆公

甲午新宮災三日哭 乙亥葬宋文公

夏公如晉公至自晉

許鄭伐鄭公子棄疾帥師伐許 六條一貫

隱桓之間鄭滅許而復還之以許本鄭屬也自僖
六年屬于楚則許非鄭有矣今尚以舊屬之故思

與楚爭而伐之

許鄭伐許

又伐之

許四年鄭伯伐許

時鄭襄方卒鄭悼初立而又急伐之則鄭無禮矣

許九年鄭人圍許 見晉楚爭鄭條

許十四年鄭公子喜帥師伐許

時鄭為許敗至鄭伯再伐入其郛而後平

許十五年許遷于葉

許乃畏鄭偪請遷于葉嗣此終事楚而得免鄭難

雖三遷四遷至定六年已為鄭所滅而仍未亡也
許之善于自存如此

齊魯爭汶陽田

元年秋叔孫僑如帥師圍棘

兩條一貫

汶陽田本魯地為齊所侵久矣至鞏之戰魯從晉
伐齊齊以此賂我則魯地還魯宜也今汶陽棘邑
不肯歸魯而魯帥師以疆之

汶陽

八年春晉侯使韓穿來言汶陽之田歸之于齊

晉忽助齊而使魯歸地則侮辱極矣忽予忽奪不
顧禮義所謂霸王者在宜夫子在定哀之間尚
以反汶陽之田為亟亟也

大雩

晉郤克衛孫良夫伐虜咎如

伐虜

冬十有二月晉侯使孫盞來聘衛侯使孫良夫來聘

丙午及荀瑩盟丁未及孫良夫盟

尋元年赤棘盟也

四年春宋公使華元來聘

宋共新立

三月壬申鄭伯堅卒杞伯來朝

夏四月滅孫許卒

公如晉葬鄭襄公秋公至自晉冬城鄆

祀秋

五年春王正月杞叔姬來歸

大歸也三條一貫

策書闕

叔姬 八年冬十月癸卯杞叔姬卒

叔姬 九年春王正月杞伯來逆叔姬之喪以歸杞伯悔而迎之

仲孫蔑如宋報聘

夏叔孫僑如會晉荀首于穀荀首自娶婦而我往饋之

梁山崩 秋大水

冬十有一月巳酉天王崩定王

六年夏二月辛巳立武宮

魯取取鄆附庸

晉命魯衛孫良夫帥師侵宋二條一貫

晉命秋仲孫蔑叔孫僑如帥師侵宋

晉以蟲牢之會宋公遲至命魯衛討之其肆如此

夏六月邾子來朝

公孫嬰齊如晉

策書不詳其事

壬申鄭伯費卒 冬季孫行父如晉

七年春王正月麇鼠食郊牛角改卜牛麇鼠又食其

角乃免牛

吳晉吳伐邾兩條一貫

爭邾八年晉侯使士燮來聘叔孫僑如會晉士燮齊人

邾人伐邾

吳伐郊晉為伯主不能救乃以其成吳又挾諸國以伐之則弱小無死地矣伯主之為害如此

七年夏五月曹伯來朝不郊猶三望

晉吳楚構兵始末吳入州來二十七條一貫

楚申公巫臣有怨于令尹子重且竊娶夏姬以奔

于晉楚盡滅巫臣之族巫臣乃為晉大夫請使吳

而教吳以戰使吳叛楚而伐巢伐徐因伐州來其

意本欲強晉而弱楚而不謂吳與楚之均被害也

晉吳楚十五年冬十有一月叔孫僑如會晉士燮齊高

無咎宋華元衛孫林父鄭公子鮪邾人會吳于鍾離

時晉悼爭伯又用巫臣之謀使士燮挾列國大夫

通吳以謀楚

晉吳楚襄三年春楚公子嬰齊帥師伐吳

楚子重乃為簡練之師以伐吳而吳強非其敵也

晉吳楚六月公會單子晉侯宋公衛侯鄭伯莒子邾子

齊世子光已未同盟于鷄澤見爭鄭條

晉為鄭服故復挾列國諸侯通吳以謀楚而吳子

壽夢不至

晉吳楚五年仲孫蔑衛孫林父會吳于善道

晉乃因吳之來謝遣魯衛二國大夫先會吳使而

重乞會期魯衛大夫奉晉命以往大夫會吳對而
楚晉吳公會晉侯宋公衛侯鄭伯曹伯莒子邾子滕子
薛伯齊世子光吳人節人于戚

然後挾列國諸侯以會吳

楚晉吳十年春公會晉侯宋公衛侯曹伯莒子邾子滕

子薛伯杞伯小邾子齊世子光會吳于柤

越五年又挾列國諸侯以會吳

楚晉吳夏五月甲午遂滅偃陽

遂藉吳勢并諸侯之師滅楚與國而後已

楚晉吳十四年春王正月季孫宿叔老會晉士匄齊人

宋人衛人鄭公孫蠆曹人莒人邾人滕人薛人杞人
小邾人會吳于向

乃吳壽夢卒楚不伐吳喪楚共王卒吳諸樊伐楚

喪而為楚所敗已無道矣晉復召十三國大夫與

吳會而謀與伐楚策書曰會于向為吳謀楚此實

錄也乃又襲晉策書謂范宣子數吳之伐喪而退

吳人夫專與吳會而敢退吳乎若謂書吳在後則

春秋殊會自有書例會柤會鍾離皆如是也若謂

伐喪為伯王所惡則襄二年鄭成公卒晉悼特挾

宋衛伐鄭喪而以此飾口吾誰欺乎

楚晉 秋楚公子貞帥師伐吳

楚以吳伐喪報之而為吳舟師所敗

楚晉 二十四年夏楚子伐吳

越十年楚亦以舟師伐吳又無功

楚晉 二十五年十有二月吳子遏伐楚門于巢卒

吳子諸樊伐楚報舟師之役親攻巢門為門者所

射而卒

楚晉 昭四年秋七月楚子蔡侯陳侯許男頓子胡子

沈子淮夷伐吳

時吳以餘昧繼立而楚靈王爭霸效晉撻伐挾與

國之師伐吳

楚晉 執齊慶封殺之

前此齊大夫慶封黨崔杼弑君奔吳吳以朱方居

之至是克朱方殺齊慶封效伯者行事

楚晉 遂滅賴

滅吳與國而釋之遷其國而還

楚晉 五年冬楚子蔡侯陳侯許男頓子沈子徐人越

人伐吳

吳人乃報伐入楚棘櫟麻而經不書也至是楚又

報棘櫟麻之役挾諸國而越人與焉

楚晉吳六年楚遠罷帥師伐吳。乃楚不知何故。又伐徐而策書總未詳也。至是楚以吳救徐而遂伐之。

楚晉吳十三年吳滅州來。

越七年而楚靈見弒。吳遂乘亂而滅楚邑。

楚晉吳十七年楚人及吳戰于長岸。

楚平以定亂。新立又踰五年而始報州來之役。是役吳大敗。既而楚亦敗。

楚晉吳二十二年秋戊辰。吳敗胡頓沈蔡陳許之師於

鷄父。胡子髡沈子逞滅獲陳夏齧。

越六年吳又伐州來而楚以與國之師救之。會楚令尹卒。遠越帥師。政令不一。未及陳而吳先犯三國之師。兩君一大夫皆死。而楚師奔矣。吳楚既不敵而楚平繼伯猶效。樓伐乃徒禍人國如此。

楚晉吳二十四年冬吳滅巢。

吳又滅楚邑。

楚晉吳定二年秋楚人伐吳。

楚救巢而為吳所誘。又敗。

楚晉吳四年三月公會劉子晉侯宋公蔡侯衛侯陳子

鄭伯許男曹伯莒子邾子頓子胡子滕子薛伯杞伯

小邾子齊國夏于名陵侵楚于

頓沈陳蔡許六國楚靈挾之以伐吳者今俱以楚

平州來之敗一齊歸晉然且蔡侯以楚令尹囊瓦

索賂拘楚三年因質子以求晉伐楚而晉荀寅復

索蔡賂不終伐楚雖晉實畏楚然諸國之禍則不

可道矣詳見後晉禍胡沈頓陳蔡許六國條

晉吳五月公及諸侯盟于臯鼬

徒為會以終其事

楚冬十有一月庚午蔡侯以吳子及楚人戰于柏

晉吳

舉楚師收績楚囊瓦出奔鄭

蔡侯知晉不足恃乃更以子質吳請吳伐楚會吳

闔閭爭霸而楚大夫伍員以讎楚事吳藉之為報

怨之師大敗楚師

晉吳庚辰吳入郢

遂入郢而楚大創矣

楚哀十三年公會晉侯及吳子于黃池

然而吳夫差繼霸特與晉會而於越入吳且從此

亡焉孟子著五霸之罪最重樓伐而夫子春秋尤

深惡而痛絕之自文宣以後七公一百四十餘年

春秋條貫篇

大半部春秋專記晉襄靈成景厲悼平昭歷世役
召魯衛曹滕邾莒一十八國以逞其爭齊爭楚爭
魯衛爭宋鄭陳蔡諸事此其罪宜在何等而胡氏
猥陋動曰尊霸主嗟乎霸王之為禍如此尊之何
為盍亦就經文一諦審之

冬大雩

晉納衛孫林父出奔晉 兩條一貫

孫林父為衛君所惡出奔

納十四年夏衛孫林父自晉歸于衛

晉侯強納之

八年晉欒書帥師侵蔡 以楚故

公孫嬰齊如莒 自逆婦也

宋共姬始末宋公使華元來聘 九條一貫

共姬夏宋公使公孫壽來納幣

共姬衛人來媵

共姬九年三月伯姬歸于宋

共姬夏季孫行父如宋致女 三月遣聘

共姬晉人來媵

共姬十年齊人來媵 以待年故遲致

共姬襄三十年五月甲申宋災宋伯姬卒 死于火

共姬 秋七月叔弓如宋葬宋共姬 八年晉殺其大夫趙同趙括

趙朔之妻莊姬與朔之叔父趙嬰通嬰兒趙同趙括遂嬰于齊而莊姬惡之因譖于晉侯殺同趙焉

錫命 秋七月天子使召伯來賜公命 賜命圭也

九年秋七月丙子齊侯無野卒

冬十有一月葬齊頃公

楚伐莒 楚公子嬰齊帥師伐莒庚申莒潰楚人入鄆

策書不詳其事但云以無備故潰耳

城中城 名邑

十年 夏四月五十郊不從乃不郊

丙午晉侯孺卒 景公

秋七月公如晉 親弔也 冬十月

十有一年 春王正月公至自晉 以送葬故遲至

晉侯使卻犇來聘已丑及卻犇盟

夏季孫行父如晉 報聘

秋叔孫僑如如齊 修聘 冬十月

十有二年

王臣 春周公出奔蔡 以王族相偏出奔

夏公會晉侯衛侯于瑣澤

策書謂宋華元成晉楚之好而為是盟然經文無有且後此不數年而晉楚爭宋如故况專會衛侯亦不合此必策書有誤者闕之可也

秋晉人敗狄于交剛 冬十月

十有三年

晉挾諸國伐秦春晉侯使卻缺來乞師六條一貫

秦伐三月公如京師赴晉伐也

秦伐夏五月公自京師遂會晉侯齊侯宋公衛侯鄭伯

曹伯邾人滕人伐秦見秦晉構兵條下三節同

秦伐曹伯廬卒于師

諸侯有死者勞可知矣

秦伐秋七月公至自伐秦

秦伐冬葬曹宣公

十有四年春王正月莒子朱卒

成公娶夫人秋叔孫僑如如齊逆女二條一貫

夫人九月僑如以夫人婦姜氏至自齊

冬十月庚寅衛侯臧卒

秦伯卒公桓

十有五年春王二月葬衛定公

三月乙巳仲嬰齊卒

三仲遂字襄仲故已氏仲子嬰齊亦氏仲公羊謂嬰齊為兄歸父後故以父襄仲為王父而氏仲非也古分氏以字不必王父凡已字父字皆可氏况嬰齊不為歸父後定元年季孫欲立歸父之子子家羈為歸父後而羈不從是歸父見逐後歷成襄昭定四世並未立後公羊謬說也至若歸父之子氏子家則以子家者歸父字也然則羈亦氏父字矣晉執曹伯癸丑公會晉侯衛侯鄭伯曹伯宋世子成齊國佐邾人同盟于戚晉侯執曹伯歸于京師三條貫前晉挾曹以伐秦曹宣公卒于師其庶子負芻殺

太子自立則晉宜為之討賊乃執之于會雖歸京師然失伯討矣

曹

公至自會

曹

十六年曹伯歸自京師

曹請于晉遂赦之然則歸京師謂何

十五年夏六月宋公固卒

秋八月庚辰葬宋共公

晉楚

宋華元出奔晉宋華元自晉歸于宋宋殺其大

夫山宋魚石出奔宋

十八條貫

宋平新立桓族蕩氏謀弱公室殺公子肥而戴族

華元殺蕩澤將討桓氏故桓氏魚石輩皆奔楚

宋爭

十六年鄭公子喜帥師侵宋

晉每挾宋伐鄭鄭惡宋久矣是時鄭方以子囊之
伐乞成于楚而受楚之意遂乘宋亂以伐之策書
既不詳其事而杜氏以為滕為宋與國因滕有喪
而伐宋則謬甚矣

宋爭

十八年夏楚子鄭伯伐宋宋魚石復入于彭城

楚鄭伐宋納魚石于彭城而還

宋爭

冬楚人鄭人侵宋

宋圍彭城而楚鄭救之

宋爭

晉侯使士魴來乞師

晉欲爭宋必不自往而必與諸侯之師

宋爭

十有二月仲孫蔑會晉侯宋公衛侯邾子齊崔杼

同盟于虛朶

且先為之盟

宋爭

襄元年仲孫蔑會晉欒黶宋華元衛甯殖曹人莒

人邾人滕人薛人圍宋彭城

始圍彭城取魚石以去蓋晉為華元楚為魚石也

宋爭

秋楚公子壬夫帥師侵宋

見爭鄭條

時晉方伐鄭楚乃伐宋以救鄭

宋爭二年鄭師伐宋

鄭亦伐宋

宋爭晉師宋師衛甯殖侵鄭

見爭鄭條

晉乃乘鄭成之喪遂挾宋以報伐焉

宋爭十年春公會晉侯宋公衛侯曹伯莒子邾子滕子

薛伯杞伯小邾子齊世子光會吳于柎

見晉吳楚條

會晉楚爭鄭晉乃合十二諸侯會吳以謀楚

宋爭夏五月甲午遂滅偃陽

遂借吳勢并諸侯之師滅楚與國而以其地賜宋

人以宋為楚鄭怨也

宋爭公至自會

宋爭楚公子貞鄭公孫輒帥師伐宋

楚鄭乃伐宋以報之

宋爭十一年鄭公孫舍之帥師侵宋

見爭鄭條下三節同

而無如晉楚爭鄭之無已也鄭乃伐宋以致晉師

宋爭公會晉侯宋公衛侯曹伯齊世子光莒子邾子滕

子薛伯杞伯小邾子伐鄭

及晉師至而鄭與晉成焉

宋爭楚子鄭伯伐宋

及楚救至而又與楚成以為可兩謝之也

十二年楚公子貞帥師伐宋。楚乃專伐宋而止。

十有六年春王正月雨木冰。

夏四月辛未滕子卒。滕文公

六月丙寅朔日有食之。

叔孫僑如謂秋公會晉侯齊侯衛侯宋華元邾人于

沙隨不見公。七條貫

叔孫僑如者叔孫得臣之子也。欲去季文子孟獻子而取其室。時僑如為成公嫡母穆姜所寵。乘公赴晉。召時出姜命以逐二子。公不從。姜指公庶弟

公子偃。公子鉏曰：是皆君也。公懼，使孟獻子守公宮。然後行。及出，至壞墮，不及會。僑如告郤犇曰：魯侯待壞墮，伺勝者而歸之也。謂觀望晉楚間也。晉侯乃不許公見。

季子孟公至自晉而歸。

季子孟九月晉人執季孫行父，舍之于茗丘。

僑如乃愬晉歸罪。季氏請殺之。晉乃就公所執季氏于路，拘之。茗丘公待于郟城。使子叔聲伯見郤犇，請赦會犇與聲伯。有舊，且范文子亦為言，乃使

魯行成而赦季孫焉

季孟

冬十月乙亥叔孫僑如出奔齊

公未歸而國人逐之

季孟

十有二月乙丑季孫行父及晉郤犇盟于扈

季孟

公至自晉

公始自鄆城同季孫歸兩書公至著晉惡也然亦

徵經文之密其不憚委曲如此

季孟

乙酉刺公子偃

時立僑如弟叔孫豹為得臣後

齊高國之難

十有七年齊高無咎出奔莒

二條一貫

據傳齊慶克通于齊靈公夫人蒙婦人衣而出入

焉鮑牽以告國佐佐名慶克而救之夫人怒會靈

公從晉伐鄭還鮑牽與高無咎居守先閉門清宮
而後迎公夫人愬之曰此拒公也將立公子角矣
公乃用鮑牽逐高無咎

高國

十八年齊殺其大夫國佐

而無咎之子高弱據盧以叛慶克方帥師圍之會

國佐從晉伐鄭還乃如盧師殺慶克而已畏得罪

亦據穀以叛齊侯陽與國佐盟使復其位而密殺

之于內宮之朝并殺子國勝而立後焉

九月辛丑用郊

壬申公孫嬰齊卒于狸脈

十有二月丁巳朔日有食之 邾子貜且卒

晉弒君 晉殺其大夫卻錡卻犇卻至 三條一貫

晉厲多外嬖欲盡去羣大夫而立嬖人有胥童者與嬖人夷陽五輩使人告鄆陵之戰卻至實名楚君欲乘敗而立悼公公以告欒書書忌卻氏徵之公乃殺三卻而尸于朝不意胥童欲并殺欒書中行偃公雖命勿殺而書偃不安遂殺胥童并執公弒之于是迎襄公之孫立之是為悼公

弒晉 十八年春王正月晉殺其大夫胥童 弒晉 庚申晉弒其君州蒲 弒晉 蒲與高無咎

楚滅舒庸 十七年楚人滅舒庸

十有八年

公如晉 朝新君也 公至自晉

晉侯使士匄來聘

秋杞伯來朝 八月邾子來朝

築鹿囿

己丑公薨于路寢 丁未葬我君成公

西河合集

蕭山毛奇齡

字大可
又晚晴稿

文輝克有
遠宗姬潢較

春秋條貫篇

九

襄公

元年 春王正月公即位

九月辛酉天王崩 邾子來朝

冬衛侯使公孫剽來聘 晉侯使荀瑩來聘

俱聘
新君

二年

春王正月葬簡王

夏五月庚寅夫人姜氏薨成公夫人

六月庚辰鄭伯踰卒成公 已丑葬我小君齊姜

叔孫豹如宋

楚殺其大夫公子申以受賂故

三年

公如晉新君朝晉也 夏四月壬戌公及晉侯盟于長樗

公至自晉

晉楚爭陳 六月公會單子晉侯宋公衛侯鄭伯莒子邾子

齊世子光已未同盟于鷄澤見爭鄭條十六條一貫

陳爭 陳侯使袁僑如會

陳自楚莊入陳後屬楚久矣今晉以鄭服為會而

陳成公美晉悼之弱忽使大夫來乞成于晉

陳爭 戊寅叔孫豹及諸侯之大夫及陳袁僑盟

而晉即使諸國大夫特為殊盟以誇之

陳爭 四年春王正月己酉陳侯午卒 秋葬陳成公

未幾而陳成薨當是時楚已使公子何忌伐陳而

聞喪而止惡伐喪也

陳爭 陳人圍頓

而陳反圍楚與國則無禮矣

陳爭 五年楚殺其大夫公子壬夫

楚乃詰陳叛之故以為實令尹侵欲所致因殺之
陳爭公會晉侯宋公衛侯鄭伯曹伯莒子邾子滕子薛
伯齊世子光吳人鄆人于戚

晉乃借會吳之便使列國諸侯除吳人外皆受晉
命而為之戍陳

陳爭冬戍陳
諸侯不敢辭

陳爭楚公子貞帥師伐陳
而無如楚師之至也

陳爭公會晉侯宋公衛侯鄭伯曹伯齊世子光救陳

晉復不自救仍會列國諸侯使救之

陳爭十有二月公至自救陳
則亦勞矣

陳爭七年楚公子貞帥師圍陳
乃越二年而楚又圍陳

陳爭十有二月公會晉侯宋公陳侯衛侯曹伯莒子邾
子于鄆

晉又不自救仍會列國諸侯使救之且無意救也

陳爭鄭伯髡頑如會未見諸侯丙戌卒于鄆策書有誤

諸侯有赴名死者

陳爭陳侯地歸

陳侯始知晉悼不足恃。然身已在晉。蓋從楚圍師之中。越險告急。已數月矣。今計無復之陰。使陳公子黃如楚。師乞楚師執之。而告急于會。曰：殆矣！君不歸。羣臣不能待矣。乃逃歸。其誤投網羅而掙身求脫如此。

陳爭八年夏葬鄭僖公

幸鄭簡初立。晉楚方爭。鄭不暇而陳遂稍得安焉。蓋陳本楚屬。晉可不爭。此時爭陳。皆陳自取禍。特晉之徒役人國。且嫁晉人國。苟讀春秋有不憤然。

嘆興者乎

許晉伐

冬晉荀罃帥師伐許

策書未詳

四年

夏叔孫豹如晉

策書有誤

秋七月戊子夫人嬖氏薨

襄公生母也

八月辛亥葬我小君定嬖

魯聽政

冬公如晉

二條貫

策書云：如晉聽政。蓋聽其屬國貢賦多少之政也。

政聽

五年公至自晉

又朝晉。正而後歸。

魯屬鄆

叔孫豹鄆世子巫如晉

六條一貫

前公聽政于晉時以魯貢賦之數煩重不給乞以鄆為魯屬國助魯貢賦以無失晉官命晉侯許之故魯遣大夫帥鄆世子偕往謝焉

鄆

公會晉侯宋公陳侯衛侯鄭伯曹子莒子邾子滕

子薛伯齊世子光吳人鄆人于戚

見爭陳條

而無如屬鄆之不利也四年之冬邾莒伐鄆臧孫紇以救鄆致敗因不敢復屬藉晉會吳時使鄆大夫聽命于晉而自赴會焉經特書鄆人以是也

鄆

公至自會

鄆

六年莒人滅鄆

越一年而莒乃滅鄆

鄆

季孫宿如晉

前魯已還鄆于晉此時晉宜討莒復鄆以修伯業而晉不能也反責魯曰何故亡鄆魯不得已使季孫如晉以聽命且受罪焉

鄆

昭四年九月取鄆

其後襄三十一年莒人弑君諸公子爭國魯乘亂取鄆以為魯邑哀七年公會吳于鄆即其地也然則魯不滅鄆漢取秦于項雖不能還鄆較當日屬

郟之意多有未安究于莒惡有間耳

五年夏鄭伯使公子發來聘鄭僖新立秋大雩

辛未季孫行父卒

六年春王正月壬午杞伯姑容卒

夏宋華弱來奔命秋葬杞桓公

滕子來朝冬叔孫如邾

齊滅萊十有二月齊侯滅萊

七年春邾子來朝

夏四月三卜郊不從乃免牲小邾子來朝

城費秋季孫宿如衛策書有誤八月螽

冬十月衛侯使孫林父來聘壬戌及孫林父盟策書有誤

晉使列國聽朝聘之命八年春王正月公如晉三條貫

命聽季孫宿會晉侯鄭伯齊人衛人邾人于邢丘

晉定諸侯朝聘于晉之數使諸侯之大夫聽命時

鄭伯以侵蔡獻捷于晉故親聽命焉此天下大亂

諸侯放恣之事而蘓轍謂晉悼修文襄之業定朝

聘之數蓋誤認晉之朝聘為周之朝聘也寃哉

命聽公至自晉

時公亦赴晉但聽命者大夫耳然則宋衛可知矣

秋九月大雩晉侯使士句來聘

報朝也

九年春宋災夏季孫宿如晉

晉聘以報朝而此又謝之

五月辛酉夫人姜氏薨

成嫡母襄祖也

然則宋魯何狀矣

秋八月癸未葬我小君穆姜

莒伐我

八年莒人伐我東鄙

六條貫

之博也

前六年莒人滅鄆魯未嘗討莒也。不知何故反伐。

我策書未詳

莒伐

十年秋莒人伐我東鄙

又伐我策書未詳

莒伐

十有二年春王三月莒人伐我東鄙圍台

又不知何故伐我圍我邑策書未詳

莒伐

季孫宿帥師救台遂入鄆

報伐之策書未詳

莒伐

十四年莒人侵我東鄙

又侵我策書闕

莒伐

二十年春王正月辛亥仲孫速會莒人盟于向

策書有誤

冬盜殺鄭公子駢公子發公孫輒

鄭穆之族與尉氏五族有隙故五族攻殺作亂而

子產為公子發之子亦討盜盡殺之然亦創矣

十有一年春王正月作三軍

春秋條貫篇

七

夏四月四十郊不從乃不郊

十二年夏晉侯使士魴來聘

秋九月吳子乘卒

公如晉朝以報聘

十三年公至自晉又朝晉正而歸

魯取夏取邾

秋九月庚辰楚子審卒冬城防

十四年二月乙未朔日有食之

衛逐君已未衛侯出奔齊二條

衛獻不禮于孫林父甯殖而殖與林父逐之

逐君冬季孫宿會晉士匄宋華閱衛孫林父鄭公孫薑

莒人邾人于戚

乃立公子剽是為殤公而晉悼不討賊反為之主盟以定新君使逐君之罪儼然在會伯主謂何

十有五年

春宋公使向戌來聘二月己亥及向戌盟于劉

靈王逆后劉夏逆王后于齊

齊晉魯構兵始末

夏齊侯伐我北鄙圍成公救成至遇

三十條

齊不知何故伐我而公親救之策書闕

齊晉

季孫宿叔孫豹帥師城成郭

齊晉

且城以備之策書闕

齊晉

十六年二月公會晉侯宋公衛侯鄭伯曹伯莒

子邾子薛伯杞伯小邾子于溴梁戊寅大夫盟

會晉悼初卒晉平以繼霸首會諸侯而齊靈以不

甘服晉至是思抗之不親至會而但遣大夫高厚

來赴晉怒因不許高厚與會侯諸侯會畢然後遣

大夫盟高厚而高厚逃歸

齊晉

齊侯伐我北鄙

齊再伐我策書闕

齊晉

秋齊侯伐我北鄙圍成

齊晉

三伐我策書未詳

齊晉

冬叔孫豹如晉

魯于是告齊難于晉而晉以悼公之喪尚未禘祀

為辭益無意救魯也叔孫豹乃見中行偃而私為

乞之

齊晉

十七年秋齊侯伐我北鄙圍桃

齊晉

齊四伐我策書闕

齊晉

齊高厚帥師伐我北鄙圍防

五伐我時臧氏守防與鄆人叔梁紇並禦之而去

春秋條貫篇

魯齊晉

十八年齊師伐我北鄙

魯齊晉

至是六伐我矣

魯齊晉

冬十月公會晉侯宋公衛侯鄭伯曹伯莒子邾

子滕子薛伯杞伯小邾子同圍齊

晉已踰禘祀之期本欲以溴梁之役聲罪討齊而

中行偃又復以上夢不吉思有事東方以厭之遂

召諸侯師而我師與焉乃諸師頗衆而我師亦力

大敗齊師從平陰至齊環齊諸門而圍之經書同

圍著齊之為衆所惡也

魯齊晉

曹伯負芻卒于師

然猶有以師死者

魯齊晉

十有九年春王正月諸侯盟于祝柯

即諸侯圍齊者踰年猶在齊因又盟齊地其意

魯齊晉

公至自伐齊

魯齊晉

而後歸

魯齊晉

季孫宿如晉

魯齊晉

于是拜晉師

魯齊晉

葬曹成公

魯齊晉

會葬曹公

魯齊晉

夏衛孫林父帥師伐齊

而其如晉之伐齊者為晉伐不為魯伐也因以圍齊時齊未服晉又令衛伐齊

魯齊秋七月辛卯齊侯環卒

而齊侯疾卒

魯齊晉士句帥師侵齊至穀聞齊侯卒乃還

晉復繼衛再伐乃聞卒而返

魯齊冬葬齊靈公

我則不惟不敢興復伐之意兼會葬以盡其禮

魯齊城西郭魯齊又城郭以備之

又城郭以備之

魯齊叔孫豹會晉士句于柯

而不意齊已服晉有成盟矣魯懼仍乞庇于晉

魯齊城武城

且復自為備

魯齊二十年夏六月庚申公會晉侯齊侯宋公衛侯

鄭伯曹伯莒子邾子滕子薛伯杞伯小邾子盟于澶

淵

幸晉以齊成之故大會諸侯于澶淵而我遂得與

齊會弭舊怨焉

魯齊秋公至自會

齊晉叔老如齊

因聘齊以固之

齊晉

二十三年齊侯伐衛遂伐晉

越三年而晉有欒盈之難是時齊莊之立已四年

矣怨齊靈平陰之役為十二國諸侯所敗乃乘晉

之難先伐衛以報十九年衛受晉命之伐然後伐

晉深入晉地取朝歌登孟門太行築壘壁于其地

戍守其所取之邑封其尸而還

齊晉

八月叔孫豹帥師救晉次于雍榆

而我師救之

齊晉

仲孫羯帥師侵齊

晉又命我師伐之

齊晉

公會晉侯宋公衛侯鄭伯曹伯莒子邾子滕子

薛伯杞伯小邾子于夷儀

然後合諸侯謀齊

齊晉

公至自會

齊晉

二十五年春齊棼帥師伐我北鄙

而齊即報伐我矣

齊晉

公會晉侯宋公衛侯鄭伯曹伯莒子邾子滕子

薛伯小邾子于夷儀

乃又會夷儀謀齊而遲之不前蓋但思役諸侯以逞搜伐而必不使中行韓范之徒策書所稱將中軍將下軍者出一師也乃齊則剛值崔杼稱逆之際弑莊公以悅晉且重賂晉侯而封尸之役可不報矣

齊晉

秋八月己巳諸侯同盟于重丘

遂重會諸侯賀齊成以終事焉蓋晉惡雖稔而齊靈齊莊相繼無道雖兩世憤兵終致自戕國之貴能立不貴爭勝如此

齊晉

公至自會

十五年秋八月丁巳日有食之

邾伐我

邾人伐我南鄙

六條一貫

邾不知何故來伐策書未詳

邾伐

十七年冬邾人伐我南鄙

又伐

邾伐

十九年晉人執邾子

據傳以伐我也

邾伐

取邾田自漵水

晉令邾還所侵魯田以漵為界

邾伐

仲孫速帥師伐邾

然而邾驟伐我我未有報以日從晉師無暇故也
今乘其未盟使孟莊子報之

伐邾二十一年春王正月公如晉 夏公至自晉

而後拜師并謝取邾田焉

十五年冬十有一月癸亥晉侯周卒

十有六年 春王正月葬晉悼公

晉人執莒子邾子以歸 會溴梁時以其貳楚從會執歸

五月甲子地震

晉鄭叔老會鄭伯晉荀偃衛甯殖宋人伐許

據策書許欲叛楚而請遷于晉晉為召諸侯將遷

許而許忽辭晉故晉合鄭伯及諸師伐之

大雩

十有七年 春王二月庚午邾子貜卒

宋人伐陳

策書未詳

衛大夫夏衛石買帥師伐曹 二條一貫

衛石買孫蒯田于曹與重丘人爭遂帥師伐重丘

大夫十八年夏晉人執衛行人石買

晉以曹愬故執而責之

九月大雩

宋華臣出奔陳

十有八年春白狄來朝

十有九年八月丙辰仲孫蔑卒

齊殺其大夫高厚

齊靈公愛庶子牙將易太子使高厚傅之及太子

立因殺牙并及厚焉

蔡二慶蔡殺其大夫公子燮公子履出奔楚五條

蔡公子燮欲叛楚事晉而國人殺之其弟奔楚事

亦已矣

慶二陳侯之弟黃出奔楚

乃蔡大夫慶寅慶虎忽譖于楚曰公子燮之謀公

子黃實同之楚人以為討而子黃奔楚

慶二陳殺其大夫慶虎及慶寅

慶二陳侯之弟黃自楚歸于陳

及陳侯如楚楚詢子黃事知其寃使召二慶而二

慶以慶樂往楚殺之慶氏乃據城以叛楚子使屈

建帥師從陳侯圍城陳人殺二慶楚乃納陳侯及

公子黃而還

慶二二十四年陳鍼宜咎出奔楚二慶

二十年冬十月丙辰朔日有食之

季孫宿如宋

二十有一年

邾庶其以濼閭丘來奔

大夫叛故挾邑以奔

晉滅欒氏

秋欒盈出奔楚

七條一貫

欒盈為欒廙之子其母欒祁范匄之女也欒祁淫于老州寘而懼盈見討愬于父范匄謂盈將為亂而謀與范氏為難匄使盈城著而遂逐之欒盈奔楚

欒

公會晉侯齊侯宋公衛侯鄭伯曹伯莒子邾子于

商任

錮欒氏也

禁錮之使諸侯不得交

欒

二十二年春王正月公至自會

欒

冬公會晉侯齊侯宋公衛侯鄭伯曹伯莒子邾子

薛伯杞伯小邾子于沙隨

又錮之

徐仲山曰魯昭逐季氏不能名一公邑大夫晉逐欒氏兩名十二諸侯日奔走道路

而不顧其勞諸國卑于晉都臣邑幸遠矣

欒

公至自會

欒

二十三年晉欒盈復入于晉入于曲沃

欒乃竊入曲沃將因魏舒以入晉為亂范鞅劫魏

舒率公徒與欒氏鬪欒氏敗盈仍奔曲沃

欒

晉人殺欒盈

晉乃圍曲沃殺盈而欒氏盡滅

二十有一年九月庚戌朔日有食之

冬十月庚辰朔日有食之曹伯來朝

二十有二年夏四月秋七月辛酉叔老卒

楚殺其大夫公子追舒

二十有三年春王二月癸酉朔日有食之

三月乙巳杞伯句卒夏邾畀我來奔庶其黨也

葬杞孝公巳卯仲孫速卒

出奔冬十月乙亥臧孫紇出奔邾

臧孫紇與孟氏不相能又為季孫立後舍公鉏而

立悼子公鉏臧之會孟莊子卒公鉏使孟氏告季

孫云紇將為亂不使孟氏葬紇聞之稍為戒備及

孟氏除葬道借役臧氏紇以隧正應而隨甲士而

視之季孫怒遂攻臧氏紇奔邾既而還防請立後

乃立其兄臧為而紇致防而奔齊經不書奔齊不

予其以防請也

齊襲莒 伐莒 齊人襲莒 二條 貫

齊莊公伐晉還不知何事忽襲莒致敗

莒二十四年齊崔杼帥師伐莒

齊懼晉報伐使陳文子乞楚師而崔杼帥師送之

不知何事又伐莒策書總不可解

二十有四年春叔孫豹如晉策書不詳何事

秋七月甲子朔日有食之大水

八月癸巳朔日有食之叔孫豹如京師聘周大饑

二十有五年

齊弒君夏五月乙亥齊崔杼弒其君光

齊莊通于崔杼之妻驟如其家會齊莊伐晉晉命

魯伐齊而崔杼方伐魯還畏晉師之至重得罪也

遂弒莊以悅晉且重賂焉乃立莊弟杵臼為景公

鄭伐陳六月壬子鄭公孫舍之帥師入陳二條一貫

初陳從楚伐鄭時每通道以迎楚師鄭人患之至

是子展子產帥車七百乘以伐陳夜穿陳城而入

之陳侯帥妻子奔墓既而喪服擁社繫男女以待

于朝鄭師乃以禮平之而還

陳伐冬鄭公孫夏帥師伐陳

方六月伐陳相平以禮至此裁數月耳不知何故

又伐陳而策書全未詳也左氏取晉策書以補之

但載子產獻捷晉君臣責鄭與鄭子產專對之詞

以為鋪張則與本事何與矣故善讀春秋者必曰

經詳而傳缺簡書連而策書斷非妄語也

衛獻復人衛侯入于夷儀十條貫

衛獻為甯殖孫林父所逐寄于齊十一年矣至是
晉侯愍其久暴露使衛分一邑居之

入 二十六年春王二月辛卯衛甯喜弒其君剽

先是甯殖將死謂子喜曰吾逐君之名載諸侯策
書能復入以免之乎喜許諾至是獻使與喜言且
使公子鱒要之遂弒殤公攻孫氏而獻復入焉夫
欲諱逐君而反弒君世逆之惟知有逆如此

入 衛孫林父入于戚以叛

孫林父挾戚邑獻晉而叛

入 衛侯衎復歸于衛

入 夏晉侯使荀吳來聘

此時為晉伯當執孫林父甯喜並誅之以為衛討
賊而乃受戚邑反為孫氏會諸侯之師而召公焉
公會晉人鄭良霄宋人曹人于澶淵

公乃與諸侯之師共討衛以疆戚田取衛西鄙懿
氏田六十以與孫氏時衛侯赴會晉先執甯喜及
北宮遺使司馬監之歸晉及衛侯如晉晉又執衛

侯而囚之于士弱氏三綱絕矣于是齊侯鄭伯皆
聞變如晉謂為臣執君不可鄭子展且為賦將仲

子兮曰衆言亦可畏也乃赦衛侯歸

晉人執衛甯喜不書執衛侯者諱惡也

二十七年衛殺其大夫甯喜

既而甯喜專公殺之衛獻之能斷又如此

衛侯之弟鱒出奔晉黨喜也

二十八年夏衛石惡出奔晉討甯黨也

楚滅舒鳩舒鳩二十五年楚屈建帥師滅舒鳩

二十有六年

宋殺世子秋宋公殺其世子座為寺人伊戾所譖而死

八月壬午許男甯卒于楚

據傳請楚伐鄭而死是時晉楚將盟宋以弭兵矣

葬許靈公

二十有七年春齊侯使慶封來聘通嗣君也

冬十有二月乙亥朔日有食之

二十有八年春無冰邾子來朝秋八月雩

仲孫羯如晉拜宋之盟也

齊慶封來奔齊慶封奔

齊崔杼弑莊公而立景公時慶封佐崔杼為相稱

為崔慶其時莊公舊臣有盧蒲癸者與王何出奔

而其族盧蒲癸則慶氏屬大夫也崔杼故妻生二

子曰成曰疆及又娶棠姜而生一子曰明杼將廢成而立明使成老崔邑而棠姜攜前棠公之子棠無咎來與弟東郭偃同相崔氏其為成與疆所病久矣至是又爭曰崔宗邑當予明不當予成成怒以愬慶封封用盧蒲嬖之言使之去之成遂與疆殺棠無咎東郭偃于崔氏之朝而崔杼大恐不成駕而見慶封慶封曰何敢然吾使盧蒲嬖為子討之嬖乃帥甲士攻崔氏垣弗克呼國人助之遂滅崔氏殺成與疆而盡俘其家棠姜縊然後復命于崔子曰討之矣請身御崔子而與之歸及至則無

可歸矣杼于是亦自縊焉嬖乃并思除慶氏先反盧蒲癸王何而使之事慶封之子慶舍舍愛之以女妻癸使癸與何執寢戈而先後之會慶封出田癸將伺嘗祭發難其妻盧蒲姜舍女也謂癸曰有事必告我至是將嘗以告姜姜曰夫子慎使無止之者必不出矣我將止之以出之十一月乙亥嘗于太公之廟慶舍泄事姜告而止之弗聽曰誰敢然遂入廟麻嬰為尸慶繩為上獻癸何執寢戈以從及期公子尾子雅擊扉者三癸自後刺舍何擊戈而解其肩并殺慶繩與麻嬰慶封歸將入伐內

官不克遂來奔其後再奔吳而楚子族誅之則是
 崔之與慶皆為盧蒲癸所滅如此春秋重討賊而
 齊莊以淫死且其殉難者多係嬖人故雖買舉州
 綽邴師公孫敖等十人並死且有祝佗父申蒯閭
 丘嬰鮮虞等或使還而死或棄官而逃即諸公子
 中其不肯事崔慶而奔亡者比比也而皆目之為
 婦寺之忠甚至晏嬰哭君亦曰已死已亡非君親
 暱其誰肯任皆以死亡者為黨暱而輕之且當日
 策書未明賞罰亦謬慶賊之討反以慶邑賜晏嬰
 子尾而癸何全不及焉甚且放盧蒲癸于北境不

知其實與否而為春秋家言亦並無有起而議及
 之者予按盧蒲氏本齊公族姜姓與崔慶同宗而
 癸則公族大夫當齊莊伐晉時次驅者以鮮虞為
 右而公之副車則盧蒲癸實右之是大夫之有名
 且有功者左氏襲策書而前後總未之貫也夫莊
 公不甘于臣晉雪先君之耻發憤興師以報平陰
 之役其所用之人忠果好勇且多為之死則在列
 國諸君未為多讓而惜其以淫敗也至若盧蒲氏
 報復崔慶明明立詞曰彼君之讎也終至反癸何
 以滅二氏使莊公之讎無人任暱者而公然盡力

致討使莊公之尸暴于北郭埋于他氏之里者一
 且改殯于路寢而合于先公之兆誰為為之而忍
 放之于北境無人理矣是以簡書之例但憑告詞
 而既存一簡則必詳之策書以俟是非之有在如
 此經祇告來奔爾而致奔之由則即此一書而其
 事其義皆可以見然則夫子之存此有故矣故予
 謂齊莊非齊襄之比而二盧蒲氏與王何則並非
 嬖人不當與侍人賈子車氏賈舉州綽諸嬖人比
 因為述其事辨其跡以為世之忠良報國者勸其
 于春秋之義不為無補若謂齊莊淫亂不宜失出

則以莊之志思振前烈且能得死士而一不自檢
 即身名俱喪此正垂戒之至深至切者又何嘗于
 此際有恕詞焉

公朝

十有一月公如楚

四條

宋之盟向戌與屈建原有晉楚之從交相朝見之
 言謂晉之屬國皆朝楚如魯衛宋鄭之類是也楚
 之屬國皆朝晉如陳蔡許沈之類是也惟秦與齊
 不朝焉今我先朝楚而諸國從之此實晉霸所定
 之制而楚藉以行之者以為宜尊盟主耶則楚亦
 盟主也以為不宜臣夷狄耶則又霸者之政令也

若此者何。褒何。譏請解春秋者一思之。

楚朝乙未楚子昭卒。

楚朝二十九年春王正月公在楚。

會楚康之卒不得已送葬而還。

楚朝夏五月公至自楚。

二十八年十有二月甲寅天王崩。

靈王

二十有九年庚午衛侯衎卒。

吳弒君

闞弒吳子餘祭。

以越俘為闞而弒之

晉城

仲孫羯會晉荀盈齊高止宋華定衛世叔儀鄭

公孫段曹人莒人滕人薛人小邾人城杞。

四條一貫

晉平杞所出乃合諸侯以城杞。衛大叔儀曰甚乎。

其城杞也。鄭子太叔曰若之何哉。晉不恤周宗之

闕而夏肆是屏其棄諸姬也已。

杞者夏之餘肆也。屏者城也。

杞城

晉侯使士鞅來聘。

以城杞也。

杞城

杞子來盟。

晉使諸侯共城杞。已無道極矣。又使其司馬女叔

侯責魯以侵杞之地。使之歸杞。亦既歸之矣。又以

不盡歸責女叔侯。善乎叔侯之言曰。虞虢焦滑霍

揚韓魏皆姬姓也。而晉皆滅之。晉是以大况武獻

以來兼國多矣。誰得治之。杞夏餘也。而即東夷魯

周公之後也而睦于晉其于晉也職貢不_常乏_玩

好時至_他公卿大夫相繼于朝_{若朝臣聘及名會}

絕不_釋史不絕書_{者自文宣以後春秋所書}府無虛月

受魯賦如是可矣何必瘠魯以肥杞_{真痛切之言}

城杞冬仲孫羯如晉_{又拜城杞之聘}

吳子使札來聘_{季札}秋七月葬衛獻公

齊高止出奔北燕_{以好事而專放之}

三十年春王正月楚子使薳罷來聘_{通嗣君也}

蔡弒君夏四月蔡世子般弒其君固_{蔡景以淫為太子所殺}

天王殺弟天王殺其弟佖夫_{二條一貫}

周景王初立王子瑕自為亂駕言立王弟佖夫佖夫不知也而王殺之

注王子瑕奔晉

鄭良霄出奔許自許入于鄭鄭人殺良霄_{以汰虐故見殺}

冬十月葬蔡景公

晉以宋災名諸國晉人齊人宋人衛人鄭人曹人莒人邾人

滕人薛人杞人小邾人會于澶淵宋災故_{徐仲山曰以宋災名}

會十二國人幾于周幽之烽火矣

三十有一年春王正月

夏六月辛巳公薨于楚宮

秋九月癸巳子野卒

乃立昭公

巳亥仲孫羯卒

冬十月滕子來會葬

癸酉葬我君襄公

莒弒十有一月莒人弒其君密州

莒犁比公既立子展興又立子去疾展興弒之

西河合集

蕭山毛奇齡 字秋晴稿

文輝克有較遠宗姬潢

春秋條貫篇 十

昭公

元年 春王正月公即位

叔孫豹會晉趙武楚公子圍齊國弱宋向戌衛齊惡

陳公子招蔡公孫歸生鄭罕虎許人曹人于虢

前襄二十七年宋向戌為宋之盟弭晉楚兵爭從

此搜伐之師藉以稍息此夫子所深予者今諸國

大夫復尋盟以固之其盟鄭地者以前兵爭之多

魯取莒

三月取鄆

十三條一貫

前襄公年莒屢伐魯而不報今因其國有弑逆之

邑

叔弓帥師疆鄆田

且為疆之

邑

五年夏莒牟夷以牟婁及防茲來奔

乃莒大夫不知何故又來奔魯受其邑

邑

戊辰叔弓帥師敗莒師于蚡泉

莒人愬于晉晉許其來討而不果也莒遂自來討而我又敗之

邑

六年夏季孫宿如晉

于是季孫往晉謝以晉之不為莒與師也

邑

十年秋七月季孫意如叔弓仲孫獲帥師伐莒

乃相距四年不知何故魯出三帥以伐莒而策書

又未詳也但云取鄭邑且獻俘時用莒人以祭亳

社則無道矣

邑

十三年秋公會劉子晉侯齊侯宋公衛侯鄭伯曹

伯莒子邾子滕子薛伯杞伯小邾子于平丘

又越三年晉會平丘時莒告于會值晉平作虎宮成假兵力以脅諸侯之際

八月甲戌同盟于平丘

公不與盟

遂斥公不許與盟

晉人執季孫意如以歸

且執季孫

公至自會

而公自歸焉

公如晉至河乃復

乃復以季孫在晉仍如晉而晉拒之無禮如此

十四年春意如至自晉

于是子服湫說中行氏責以禮使之放歸乃還

元年夏秦伯之弟鍼出奔晉

秦景之弟以富懼得罪故出奔

六月丁巳邾子華卒

晉荀吳帥師敗狄于大鹵

秋莒去疾自齊入于莒莒展輿出奔吳

莒去疾與展輿爭立而展輿弑君去疾已奔齊矣

至是齊納去疾為莒君而展輿出奔

莒邾悼公

楚弑冬十有一月巳酉楚子麇卒二條一貫

楚子麇康王子邲敖也康王之弟公子圍弑邲敖

自立是為靈王

君楚公子比出奔晉亦康王弟

二年吳春晉侯使韓起來聘昭新也夏叔弓如晉聘報

秋鄭殺其大夫公孫黑以為亂見殺

冬公如晉至河乃復季孫宿如晉

晉平公少姜卒公親往弔而晉辭之使卿弔焉

三年四春王正月丁未滕子原卒

夏叔弓如滕五月莖滕成公而秋小邾子來朝

八月大雩冬大雨雹

北燕君北燕伯欵出奔齊四條一貫

燕簡公欲去諸大夫而立其嬖人大夫亂遂奔齊

北燕六年齊侯伐北燕公

齊景帥師以納之不克卒

北燕七年春王正月暨齊平

平之而還

北燕十二年春高偃帥師納北燕伯于陽

越五年齊又遣大夫納之不克乃納之別邑而還

四年春王正月大雨雹

楚靈會諸侯

夏楚子蔡侯陳侯鄭伯許男徐子滕子頓子

胡子沈子小邾子宋世子佐淮夷會于申

思起霸也

楚人執徐子以貳吳也冬十有二月乙卯叔孫豹卒

五年春王正月舍中軍楚殺其大夫屈申

以貳吳也

公如晉晉朝秋七月公至自晉秦伯卒

六年春王正月杞益姑卒

葬秦景公葬杞文公

宋華合出奔衛

策書有誤

秋九月大雩冬叔弓如楚

楚名魯三月公如楚

楚靈作章華之臺名公落之

名九月公至自楚

叔孫舍如齊涖盟

策書闕人

夏四月甲辰朔日有食之秋八月戊辰衛侯惡卒

冬十有一月癸未季孫宿卒

十有二月癸亥葬衛襄公

楚滅復陳蔡始末

八年春陳侯之弟招殺陳世子偃師十五條一

貫

陳哀公愛公子留使弟公子招公子過立留而殺其世子偃師

陳蔡夏四月陳侯溺卒

既而悔之乃自縊焉

陳蔡楚人執陳行人于徵師殺之于姓徵師名

陳遣行人赴于楚楚靈王殺之

陳蔡陳公子留出奔鄭

子留出奔

陳蔡陳人殺其大夫公子過

公子招乃歸罪于公子過陳人討賊已殺過矣

陳蔡冬十月壬午楚師滅陳執陳公子招放之於越殺

陳孔奐

楚靈使公子棄疾奉蔡世子之子吳圍陳而滅之

改為縣使楚大夫穿封戌為縣公放公子招殺招

黨而挾吳以歸

陳蔡葬陳哀公

是時陳君無葬者有輿人袁克葬之而陳已滅焉

陳蔡十一年夏四月丁巳楚子虔誘蔡侯般殺之于申

乃復欲滅蔡名蔡靈侯殺之并殺其從者七十人

陳蔡楚公子棄疾帥師圍蔡

仍使公子棄疾圍蔡

陳蔡秋季孫意如會晉韓起齊國弱宋華亥衛北宮佗

鄭罕虎曹人杞人于厥慙

晉雖謀救之實未救也

陳蔡冬十有一月丁酉楚師滅蔡執蔡世子有以歸用

之

楚遂滅蔡改為縣卽以其弟棄疾為縣公俘蔡世

子有而用于岡山無道極矣

陳蔡十三年夏四月楚公子比自晉歸于楚弑其君虔

于乾谿

于是蔡大夫朝吳并蔡洧觀從輩乘楚靈在乾谿

諸族作亂乃密召公子比于晉尊為王脅棄疾同

盟以陳蔡復讎為名殺楚靈諸子而迎擊楚師于

訾梁楚師大潰靈乃自縊及還郢

陳蔡楚公子棄疾殺公子比

而棄疾又殺公子比自立是為平王封陳蔡還所

收邑

陳蔡蔡侯廬歸于蔡陳侯吳歸于陳

于是蔡世子有之子廬陳世子偃師之子吳皆各

歸其國而陳蔡復焉

陳冬十月葬蔡靈公

然而蔡靈之不葬已三年矣。楚惡如此。

八年叔弓如晉賀虎神宮成也秋蒐于紅大雩

九年叔弓會楚子于陳楚靈滅陳會于師

許遷于夷楚遷之也夏四月陳災

秋仲孫矍如齊冬築郎囿

十年春王正月夏齊欒施來奔為陳鮑氏所逐

戊子晉侯彪卒九月叔孫舍如晉葬晉平公

十有二月甲子宋公成卒

十有一年春王二月叔弓如宋葬宋平公

五月甲申夫人歸氏薨

大蒐于比蒲

仲孫矍會邾子盟于祿禚

九月己亥葬我小君齊歸

十有二年三月壬申鄭伯嘉卒

夏宋公使華定來聘宋元新立

公如晉至河乃復朝晉而晉拒之以莒愬也

五月葬鄭簡公楚殺其大夫成熊不詳秋七月

魯公子出奔冬十月公子慙出奔齊二條一貫

費宰南蒯謀逐季平子而歸室于公子慙慙初從

之既而南蒯叛怒懼奔齊

奔十三年春叔弓帥師圍費

及圍費而南氏家臣劫南氏請出蒯亦奔齊

十二年楚子伐徐

以懼吳也

晉伐鮮虞

白狄

十有三年

晉昭會諸侯

秋公會劉子晉侯齊侯宋公衛侯鄭伯曹伯

莒子邾子滕子薛伯杞伯小邾子于平丘

見魯取莒邑條下同

二條一貫

晉平作虎祁宮以會諸侯多貳心焉晉昭乃用叔向謀以甲車四千乘假兵威以會諸侯晉霸衰矣

晉昭八月甲戌同盟于平丘

十有四年三月曹伯滕卒 夏四月

秋葬曹武公

莒君廢立

八月莒子去疾卒 冬莒殺其公子意恢

五條一貫

莒子卒立其子郊公矣莒大夫蒲餘侯逐郊公子齊殺公子意恢而迎莒子之弟庚與立之

莒君

十九年秋齊高發帥師伐莒

當逐郊公時庚與在齊及復國後庚與恃晉而不事齊齊遣大夫伐之而庚與未服也

莒君

二十二年春齊侯伐莒

春秋條貫篇

九

至齊侯親伐而莒子反敗齊師于是莒人恐

莒君二十三年秋七月莒子庚與來奔

乘庚與好殺而逐之齊復納郊公庚與遂來奔焉

十有五年 春王正月吳子夷末卒

二月癸酉有事于武宮籥入叔弓卒去樂卒事

叔弓以涖祭死故去樂以卹之

夏蔡朝吳出奔鄭

蔡朝吳能恢復其國春秋之賢者也楚大夫費無

極疾之曰吳在蔡非楚之利遂奔鄭

六月丁巳朔日有食之 秋晉荀吳帥師伐鮮虞

冬公如晉

十有六年 春齊侯伐徐 楚子誘戎蠻子殺之

夏公至自晉 秋八月己亥晉侯夷卒 九月大雩

季孫意如如晉 送 冬十月葬晉昭公

十有七年 春小邾子來朝

夏六月甲戌日有食之 秋邾子來朝

晉滅 八月晉荀吳帥師滅陸渾之戎

冬有星孛于大辰

十有八年 春王正月曹伯須卒

夏五月壬午宋衛陳鄭災 六月邾人入郟

秋葬曹平公

許遷于白羽

楚遷之也

十有九年 春宋公伐邾

邾報入也

許弒君夏五月戊辰許世子止弒其君買

自為藥進之卒

巳卯地震 冬葬許悼公

二十年 春王正月

夏曹公孫會自鄆出奔宋

策書闕

秋盜殺衛侯之兄縶

以齊豹北宮喜褚師圍稱亂見殺

宋華向之亂冬十月宋華亥向寧華定出奔陳

三條貫

宋元公欲逐華向二氏華向謀先發不得乃出奔

華向

二十一年宋華亥向寧華定自陳入于宋南里以

叛

既而華驅之臣張句名華向還宋以南里叛

華向

二十二年宋華亥向寧華定自宋南里出奔楚

而華登又以吳師來助華氏宋厨大夫濮與齊師

之戍宋者先敗吳師未幾元公弟公子成又請齊

晉曹衛諸師並救之遂殺張句大敗華氏于南里

而華氏向氏並奔楚焉

二十年十有一月蔡侯廬卒

二十有二年 春王三月葬蔡平公

夏晉侯使士鞅來聘晉頃新立

秋七月壬午朔日有食之 六月乙亥叔輒卒叔弓子

蔡君出奔冬蔡侯朱出奔楚

蔡平侯卒其子朱立楚費無極取賂于平侯之弟

東國駕言楚子令去朱而立東國朱愬于楚楚子

討無極無極謂朱懷二心是以立東國而楚子從

之

公如晉至河乃復公朝新君而晉又拒之

二十有二年 大蒐于昌間

夏四月乙丑天王崩 六月叔鞅如京師 葬景王

王室亂王室亂 劉子單子以王猛居于皇八條一貫

景王太子壽卒悼王猛當立而王子朝爭之劉文

公蚤與單穆公旗同輔猛而居于皇且告晉焉

王室秋劉子單子以王猛入于王城

單子乃盟百官于平王之廟子朝使鄆肸伐皇而

劉子敗之晉乃遣籍談荀躒帥師從劉子單子納

悼王于王城時子朝居前城復敗王師

王室秋十月王子猛卒

而悼王已卒乃立王母弟子匄是為敬王

王室二十三年晉人圍郊

晉侯仍遣人討朝而圍其邑書曰晉人不親至也

室王天王居于狄泉尹氏立王子朝

朝乃入尹氏邑劉子單子以討尹致敗周諸卿士

多戍尹者朝遂入王城而王居狄泉

室王二十五年夏叔詣會晉趙鞅宋樂大心衛北宮喜

鄭游吉曹人邾人滕人薛人小邾人于黃父

晉不惟不終討且天王蒙塵者越二年而為伯主

者並不勤王不召諸侯不身蒞盟會而躬親師旅

泄泄然第集列國大夫名曰謀王室而實無所謀

也

室王冬十月天王入于成周

又越一年天王蒙塵三年矣且歷次諸邑無有寧

居晉不得已始遣知躒趙鞅納王會朝黨名伯盈

反正陰忌亦叛遂迎王于尸入成周而盟于襄王

之廟子朝奔楚晉師乃使成公般戍成周而還經

不書晉人不予晉也

室王三十二年冬仲孫何忌會晉韓不信齊高張宋仲

幾衛世叔申鄭國參曹人莠人薛人杞人小邾人城

成周

乃越八年天王尚居成周以朝黨踞王城未敢歸

也。天王乃使卿士如晉，致天王之命，乞合諸侯。城成，周以為國都，而晉猶難之。范鞅曰：與其戍周，不如城之。且天子實云：雖有後事，晉勿與。知可也。吾他事勿應，可耳。始合諸侯，以城之。當是時，魏舒南面而蒞事，如周君焉。

二十二年十有二月癸酉朔日有食之

晉執我行人二十有三年春王正月叔孫舍如晉四條一貫

我執晉人執我行人叔孫舍

邾人城翼，不假道于魯，而魯人遮伐之。邾子貜于晉，晉執我行人叔孫舍，使與邾坐訟。叔孫不坐，韓

起將以叔孫與邾人叔孫立于朝，不聽行，乃拘叔

孫與介子服，回各羈一館者。又一年，又不屈。

我執冬公如晉，至河有疾，乃復

公不得已，將親往，乞釋而有疾而返。

我執二十四年叔孫舍至自晉

晉始慙，而以禮遣之。嗟乎春秋魯史也，其所載者無非晉君臣凌我虐我之事。即策書所誇春秋賢大夫如叔向、趙鞅、韓起輩，亦無不役使我如臣僕。蹴踢我若禽獮，而謂魯人作史皆當尊晉室而崇伯主，則凡稍有人心者，必不忍作是語矣。故春秋

一經不特公穀二書可以不問卽左氏竊他策書以傳魯史諸所記文襄悼平前後典霸以及狐趙變郤中行隨范諸族嘉言顯績赫赫千古在經文一千八百餘條並不一及則自條貫篇出而夫子筆削面目始豁然其見不必與三傳諸家相對夢寐何其快與

二十三年夏六月蔡侯東國卒于楚

以事至楚而卒

八月乙未地震

二十有四年春王二月丙戌仲孫貜卒

孟僖子

夏五月乙未朔日有食之秋八月大雩

丁酉杞伯郁釐卒 葬杞平公

二十有五年春叔孫舍如宋

有鸚鵡來巢

公出之兆

秋七月上辛大雩季辛又雩

魯昭出奔始末

九月己亥公孫于齊次于揚州

二十三條一貫

季族與邠氏臧孫氏皆怨季孫藉昭公之公子務人告公謀去之公以語于家羈羈執不可公不聽遂伐季氏旣而叔孫孟孫救并至公徒敗諸發難臣皆劫公以出于家羈止公不得遂孫陽州

昭出齊侯唁公于野井

齊景將唁公而公乃就之

出昭冬十月戊辰叔孫舍卒

時叔孫昭子自闕歸責季孫意如而從公于齊與子家羈謀將歸偕意如迎公而意如語變叔孫大

憤遽卒

出昭十有一月己亥宋公佐卒于曲棘

宋元公謀納公如晉而又卒于路

出昭十有二月齊侯取鄆

出昭二十六年春王正月葬宋元公

出昭三月公至自齊居于鄆

齊侯乃為公取鄆而居之

出昭夏公圍成

且謀納公戒無受魯貨而季孫陰賂梁丘據遂不

果納但圍成而還

出昭秋公會齊侯莒子邾子杞伯盟于鄆陵

假為會謀納

出昭公至自會居于鄆

而仍居于鄆

出昭二十七年春公如齊公至自齊居于鄆

雖至齊何益焉

出昭秋晉士鞅宋樂祁犁衛北宮喜曹人邾人滕人會

于扈

晉乃以戊周盟扈宋衛謀納公固請之而范鞅受
意如賂不許

出昭

公如齊公至自齊居于鄆

乃復至齊而齊侯燕公待以大夫禮子家子掖公
而出時孟懿子陽虎伐鄆將奪公歸而公徒與從
公者皆不欲歸反迎而敗之

出昭

二十八年公如晉次于乾侯

公不得已始至晉晉不令入國且惡公遽入乾侯
復使公出境俟晉迎而後入之辱之至矣

出昭

二十九年春公至自乾侯居于鄆齊侯使高張來

唁公

出昭

公乃復還鄆而齊景遣唁如初失國然實請之也
公如晉次于乾侯

因仍之乾侯

出昭

冬十月鄆潰

而鄆人又散無可歸矣

出昭

三十年春王正月公在乾侯

出昭

三十一年春王正月公在乾侯

乃在乾侯者二年

出昭季孫意如會晉荀躒于適歷

幸晉頃已卒晉定初立將興師伐意如范鞅請召意如而不至然後伐之乃密通意如使必來季孫乃練冠麻衣跣伏待罪

出昭晉侯使荀躒唁公于乾侯

晉侯乃先遣大夫唁公然後使意如之乾侯且令荀躒致命曰寡君使躒以君命討于意如意如不敢逃死君其入也子家子勸公與歸而從亡者必不從子家子將以乘馬挾公入魯師而公徒又阻之公自此不得歸矣夫公逐季氏季氏不逐君在

當時原可不出即既出而國不立君并不設居守亦無有戍于境者在公原可以徑歸况以晉侯討叛使疆臣待罪徒跣親迎而左右堅懷終以不返則夫季之惡公之愚從臣之禍國伯主強隣之各不相恤義俱有焉

出昭三十二年公在乾侯取闕

策書闕

出昭十有二月己未公薨于乾侯而楚子居卒

二十有六年九月庚申楚子居卒

二十有七年

吳弒君夏四月吳弒其君僚為公子光所弒

楚殺其大夫郤宛

費無極譖郤宛于令尹子常而殺之既而令尹聽

沈尹戌之言又殺無極

冬十月曹伯午卒

邾快來奔邾大夫

策書闕

二十有八年春王三月葬曹悼公

夏四月丙戌鄭伯寧卒六月葬鄭定公

秋七月癸巳滕子寧卒出冬葬滕悼公

二十有九年夏四月庚子叔詣卒叔輒子秋七月

三十年

夏六月庚辰晉侯去疾卒秋八月葬晉頃公

三十有一年夏四月丁巳薛伯穀卒秋葬薛獻

公

冬黑肱以濫來奔邾大夫

十有二月辛亥朔日有食之

三十有二年

吳越構兵始末夏吳伐越四條一貫

前五年楚靈伐吳時有越人來會師吳未報也至

是吳闔閭忽伐越以報之

越吳定五年於越入吳

越乘吳伐楚遂入吳

越吳十四年五月於越敗吳于檣李吳子光卒

吳又報伐而越勾踐禦之闔閭以敗劓而卒于軍

越吳哀十三年於越入吳

自此吳子夫差復報父怨敗越于夫椒遂入越而

受越成以不告未書簡也至是越又乘吳子黃池

之會乃襲吳而入其俘亦受成而還後十年越滅吳見簡書

秋七月

終

西河合集

蕭山毛奇齡字大可稿

文輝克有較遠宗姬廣

春秋條貫篇

定公

元年

春王三月晉人執宋仲幾于京師

諸侯城成周時宋大夫欲屬滕薛使滕薛助宋役

而薛爭之仲幾以言忤晉大夫因執于京師

夏六月癸亥公之喪至自乾侯戊辰公即位

季孫立昭公之弟宋是為定公

秋七月癸巳葬我君昭公晉大夫因葬于京

九月大雩

立煬宮

立宮者立為不祧之室也與立武宮同其時季孫

立昭公之弟而煬公為伯禽子考公弟故特立煬

宮為立及証以為立弟者魯立君法也兄終弟及名立及

冬十月隕霜殺菽

二年春王正月夏五月壬辰雉門及兩觀災

冬十月新作雉門及兩觀

三年春王正月公如晉至河乃復晉朝

二月辛卯邾子穿卒夏四月秋葬邾莊公

冬仲孫何忌及邾子盟于拔

四年春王二月癸巳陳侯吳卒

晉以一會滅胡三月公會劉子晉侯宋公蔡侯衛侯

陳子鄭伯許男曹伯莒子邾子頓子胡子滕子薛伯

杞伯小邾子齊國夏于名陵侵楚見晉吳楚構兵十條一貫

晉楚各有屬國晉之所屬為魯衛宋鄭曹滕杞薛

邾莒諸國而胡沈頓陳蔡許六國專屬之楚經文

所書昭昭也特牽盟摟伐純是晉事而楚並無有

惟楚靈爭伯。效晉所為始。有昭四年會師伐吳之舉。而楚平救州來。偶一效之。遂有胡沈三君并陳大夫敗滅之禍。然猶與晉之日事。搜伐役死。道路者相去尚遠。而六國愚昧。鑒州來之敗。便舍彼就此。一齊會晉。此固不知進退之所為。然為之晉者。彼既與會。便當思捍衛。始終使之得所。齊桓會黃人而楚滅黃。而不能救。則管仲痛之。晉襄救江。伐而楚滅江。而不能救。則春秋譏之。此前事也。今六國之君。強使來會。且強使之伐楚。則顯然以諸國擲強楚矣。乃沈不即至。晉先使蔡滅沈。而殺其君。

固已極惡。至胡之與頓。則旋為楚滅。而並不一救。蔡拘楚三年。請晉伐楚。因質其愛子。并大夫之子。而晉復索賂。並不為之。興師以致蔡復奔吳。遷徙家屬于吳。疆而國破。民散。何其慘也。然則魯衛曹鄭諸國。奔命效死。已極荼毒。而尚蠱及江漢之蠻屬。伯主之禍。亦烈矣。此一條名陵大會。假名侵楚。而實未敢侵也。乃胡頓陳蔡許。則儼然背楚。而為楚怨焉。
五夏四月庚辰。蔡公孫娃帥師滅沈。以沈子嘉歸。殺之。

當其時沈子不至晉使蔡人滅其國而執其君以殺之

國五許遷于容城

惟陳則畏楚而仍歸之許則遷以避之策書闕而

國五楚人圍蔡

而楚則又以蔡戕其與國而圍之

國五冬十有一月庚午蔡侯以吳子及楚人戰于柏舉

楚師敗績楚囊瓦出奔鄭見晉吳楚構兵條

蔡乃又質一子并大夫之子于吳吳為伐楚勝之

國五六年春王正月癸亥鄭游速帥師滅許以許男斯

歸

乃鄭久爭許徒礙楚耳一不為楚庇而鄭即滅其

國而俘其君晉安在耶猶幸楚仍庇之而哀元年

許復得從楚而在楚軍也

國五十四年二月辛巳楚公子結陳公孫佗人帥師滅

頓以頓子牂歸

而頓則滅之而俘其君矣

國五十五年二月辛丑楚子滅胡以胡子豹歸

胡亦滅而俘其君而晉總不顧也

國五哀元年楚子陳侯隋侯許男圍蔡

至于蔡則楚子又圍滅之而遷其國于江汝之間
國五二年十有一月蔡遷于州來蔡殺其大夫公子駟
乃不安楚地陰請遷吳且以公子駟不肯遷殺之
而哭而并遷其墳墓焉然則召陵一會師而五國
之無不被禍有如此

四年杞伯成卒于會
然且召陵之會原有以奔命死者經文儼然也

六月葬陳惠公 秋七月公至自會

劉卷卒王卿士也 葬杞悼公

晉士鞅衛孔圉帥師伐鮮虞 葬劉文公

五年 春王三月辛亥朔日有食之

夏歸粟于蔡

策書未詳

六月丙申季孫意如卒 秋七月壬子叔孫不敢卒

冬晉士鞅帥師圍鮮虞

齊鄭魯衛六年二月公侵鄭四十七貫

晉自襄靈繼霸以來歷文宣成襄昭五公並以齊

鄭魯衛為屬國雖視齊較三國稍優然亦絀甚矣

至是晉霸衰齊鄭思叛晉而未發也會鄭曾以子

朝之黨伐取王邑而晉惡鄭而命魯討之公乃奉

晉命侵鄭

^{晉叛}公至自侵鄭

而還

^{晉叛}夏季孫斯仲孫何忌如晉

使季桓子孟懿子以報聘之時兼獻鄭捷于晉

^{晉叛}季孫斯仲孫忌帥師圍郕

而郕邑適叛魯歸齊季孟并討郕而齊還之

^{晉叛}七年秋齊侯鄭伯盟于鹹

于是齊鄭合盟謀伐我以翦晉黨而徵會于衛

^{晉叛}齊人執衛行人北宮結以侵衛

衛恐國人不伏陽使齊執衛行人并侵衛令衛大

夫國人知畏齊而可叛晉也

^{晉叛}齊侯衛侯盟于沙

然後與齊盟焉其極重難反如此

^{晉叛}齊國夏帥師伐我西部

齊乃伐我

^{晉叛}八年春王正月公侵齊

而我報之

^{晉叛}公至自侵齊

^{晉叛}二月公侵齊

及歸我侵齊

^{晉叛}三月公至自侵齊

^{晉叛}夏齊國夏帥師伐我西鄙

而齊又報之

^{晉叛}公會晉師于瓦

及我迎晉師請來救而晉師竟不至也

^{晉叛}公至自瓦

^{晉叛}晉士鞅帥侵鄭遂侵衛

反自討鄭衛之叛

^{晉叛}季孫斯仲孫何忌帥師侵衛

又令我助之其第顧已而全不顧他人如此

^{晉叛}冬衛侯鄭伯盟于曲濮

鄭衛乃深相結而思以報晉

^{晉叛}九年夏四月戊申鄭伯蠆卒

^{晉叛}六月葬鄭獻公

會鄭獻公卒

^{晉叛}秋齊侯衛侯次于五氏

衛靈乃與齊景同伐晉夷儀次五氏而還

^{晉叛}十年春王三月及齊平

方是時我以晉師不即救知晉不足恃而齊景伐

晉又因與國甚少故不能深入原思結好于魯適夫子由司空進司寇遂決計與齊平合拒強晉此固夫子之筆削與夫子之行事兩相合焉

晉叛

夏公會齊侯于夾谷公至自夾谷

于是魯定齊景親自為會以結之特齊魯既俱叛晉則兩國匹敵又自有大小之別是時伯主陋制大國撻伐小國必輸賦以從故齊作載書謂齊苟出兵必使魯供甲三百而夫子春秋深恨晉惡况親歷其朝則此時之平齊與叛晉皆夫子經畫中事也故夫子盟詞祇曰苟歸我侵地亦自當如數

供命蓋晉賦既省齊賦頓減而又歸我侵地則魯之悉索于此大貫况夏之會春之平皆夫子從政時一大機用耶

晉叛

晉趙鞅帥師圍衛

晉乃不敢報齊祇報衛五氏之役而衛不與成

晉叛

齊人來歸鄆謹龜陰田

齊景則忻然歸我侵地

晉叛

秋叔孫州仇仲孫何忌帥師圍郕

即魯討郕叛郕人侯犯以郕邑獻齊而齊又還之

晉叛

冬齊侯衛侯鄭游速會于安甫

于是齊衛鄭三國仍合為謀

晉叛叔孫州仇如齊

而我則謝齊還地

晉叛十一年冬及鄭盟叔還如鄭涖盟

叔還叔詣子

并盟鄭

晉叛十二年冬癸亥公會齊侯盟于黃

又盟齊焉

晉叛公至自黃

晉叛十三年春齊侯衛侯次于垂葭

齊侯衛侯乃遣師伐晉而二君親次垂葭以援之

晉叛秋晉趙鞅入于晉陽以叛

趙鞅深以為患將遷衛所貢五百家之在邯鄲者

實于晉陽以絕衛往來而邯鄲大夫趙午不即遷

鞅遂殺趙午而中行范氏午親也為午攻鞅鞅乃

據晉陽以叛

晉叛冬荀寅士吉射入于朝歌以叛

而韓魏又鞅黨也復攻中行氏荀寅范氏士吉射

而二人又據朝歌以叛

晉叛晉趙鞅歸于晉

鞅復歸晉圍朝歌

晉叛

十四年公會齊侯衛侯于牽

公與齊景衛靈乃為會以救朝歌

晉叛

公至自會

晉叛

秋齊侯宋公會于洮

齊更會宋景以謀救之

晉叛

十五年齊侯衛侯次于渠蔭

乃因晉人敗荀寅于澗之際遣師往救而次渠蔭

以待之會定公初卒我不會師策書誤

晉叛

哀元年秋齊侯衛侯伐晉

至哀公新立而齊景衛靈會于乾侯以伐晉我乃

遣師及齊師與衛孔圉鮮虞人伐晉取棘蒲焉

晉叛

二年晉趙鞅帥師納衛世子蒯瞶于戚

晉仍不敢報齊但乘衛靈初卒公輒初立之際其

世子蒯瞶向以得罪奔宋者今用陽虎計虎以叛

年定九帥師納瞶而據戚以叛不惟伐喪兼令衛父

子搆兵為衛大患晉之無能而惡又如此

晉叛

秋八月甲戌晉趙鞅帥師及鄭罕達帥師戰于鐵

鄭師敗績

是時齊魯衛三國伐晉而鄭則輸粟朝歌以救范

氏適趙鞅納瞶之師相遇于鐵鄭師擊鞅中肩已

斃車中而贖執戈以救鞅鄭師反敗

晉叛

三年春齊國夏衛石曼姑帥師圍戚

齊乃同衛師圍戚討贖以報鐵之役

世以為軻拒父非也

晉叛

五年晉趙鞅帥師伐衛

會范中行氏由朝歌奔邯鄲而鞅復圍之齊衛救

邯鄲不得仍伐晉取晉邢任等八邑而納荀寅于

柏人鞅仍不敢伐齊而第伐衛以報之

晉叛

七年晉魏曼多帥師侵衛

復侵之然無如衛何

晉叛

十年晉趙鞅帥師侵齊

會齊景公卒公子陽生弒立之後加之吳人伐齊

齊國大亂晉乃乘喪乘亂一報齊伐

晉叛

十四年晉魏多帥師侵衛

再報衛伐而晉之衰諸國之叛晉于此終焉夫子

歷記之蓋深著五霸之罪而諸國之徒抱憤而不

自立皆可鑒也其後魯史簡書尚載趙鞅伐衛二

條而無策書惟晉策書則仍載知伯伐齊齊鄭諸

國徵會報伐之事見左傳末然已駸駸有七國之

勢非春秋矣

晉

六卿相滅三

六年秋晉人執宋行人樂祁犁

三條一貫

晉六卿者韓魏趙與知范中行氏也初有八卿韓起魏絳趙武為韓魏趙知罾士荀偃為知范中行氏又有士魴欒黶二卿為八卿而士魴士荀同是范氏欒黶族滅故祇存六卿而其後范中行為知所滅知又為韓魏趙所滅祇存三卿而戰國以後遂分晉而為諸侯焉是時諸國叛晉惟宋未叛故宋君臣謀使晉以樂祁犁為行人稍為攝縻而六卿是時有角立之勢范鞅惡祁犁之主趙鞅也遂執祁犁則趙與范分矣

晉分

十三年秋晉趙鞅入于晉陽以叛

見叛晉條

齊衛連伐晉而趙鞅患之將遷邲邲民于晉陽以趙午遲于用命即殺趙午而午黨范氏中行氏遂伐趙氏趙鞅奔晉陽則范氏中行氏與趙又分矣

晉分

晉趙鞅歸于晉

見叛晉條

而趙鞅歸晉則韓魏趙自為一黨而范中行氏絕無與焉其後晉策書載知伯索趙氏之地圍趙晉陽而韓魏與趙共滅知氏則知范中行盡皆亡滅而三卿獨存在左氏春秋固有直接戰國之勢而夫子簡書早啟其端蓋事有馴至如此若夫左傳自文宣以後多晉策書與夫子簡書十七相左苟

識條貫則夫子自有春秋而目與左氏傳絕然不
同。夫子簡書有半在左傳之外而左氏策書即有
強半在夫子春秋之外勿謂左傳即春秋也。

六年 冬城中城備晉也

七年 春王正月 夏四月 九月大雩

冬十月

八年 曹伯露卒 秋七月戊辰陳侯柳卒

葬曹靖公 九月葬陳懷公

從祀先公易僖之躋閔而順之從者順也

陽虎盜竊寶玉大弓二條

季氏臣陽虎謀弑季氏不得直入公宮竊寶玉大
弓而據謹陽關以叛

陽虎九年春王正月得寶玉大弓

乃復歸寶玉大弓于魯及魯伐陽關又焚關而奔
于齊且請齊伐魯焉會夫子為司寇將平齊叛晉
之際齊景執陽虎而虎乃奔晉春秋但書盜而不
書虎然則虎何足道乎

秦伯卒 冬葬秦哀公

孔子為司寇十年春王正月及齊平見叛晉條

定公八年公山不狃因陽虎為亂以費畔季氏而

名孔子孔子不往定公乃以孔子為中都宰一年四方皆則之遂由中都宰為司空進大司寇謀與齊平見世家

子孔

夏公會齊侯于夾谷公至自夾谷

見叛晉條

又身相定公而與齊會焉

子孔

齊人來歸鄆謹龜陰田

乃盟會載書齊索魯兵賦而夫子索還侵地故齊

人來歸之

子孔

十二年叔孫州仇帥師墮郈

特是時陪臣執國家邑屢叛初三家皆有大邑季

孫有費叔孫有郈孟孫有成而既而宰臣皆據邑以叛侯犯據郈南蒯公山不狃據費公歛處父據成家邑從此多事矣夫子為政先墮三都雖所以救家患實則家無藏甲大夫無百里之城正強國所有事也墮郈者先墮叔孫氏之邑也

子孔

季孫斯仲孫何忌帥師墮費

此墮季氏費邑也仲由謀墮費費宰公山不狃叔

孫輒帥費人以襲魯公與三子入季氏之宮登臺

費人攻者及臺側孔子命申句須樂頎下臺而伐

之費人走國人追之敗諸姑蔑而不狃與輒皆奔

齊遂墮費

子孔

十有二月公圍成公至自圍成

至孟氏之邑曰成原與齊界若墮成則齊人必至

北門是魯無保障也故圍成弗克而夫子已之其

後魯簡書在哀十五年即載成叛歸齊事賴子服

景伯子貢說齊得還則成界強齊勢不可墮經並

書墮以墮者運命不墮者私志也此又義也

郕

十年叔孫州仇仲孫何忌帥師圍郕

郕馬正侯犯三條一

貫

郕

秋叔孫州仇仲孫何忌帥師圍郕

見叛晉條再伐而侯犯奔齊

宋大夫公

宋樂大心出奔曹

六條

樂祁犁之子告樂大心作亂故出奔

宋

宋公子地出奔

宋公弟與向魍惡出奔

宋

宋公之弟辰暨仲佗石彊出奔陳

以公子地之黨且惡向魍出奔

宋

十一年宋公之弟辰及仲佗石彊公子地自陳入

于蕭以叛

策書闕

宋

秋樂大心自曹入于蕭

策書闕

宋十四年宋公之弟辰自蕭來奔

策書闕

十有一年夏四月

十有二年春薛伯定卒夏葬薛襄公

衛伐曹衛公孟彊帥師伐曹

策書未詳

伐曹十三年衛公孟彊帥師伐曹

策書闕

十二年秋大雩十有一月丙寅朔日有食之

十有三年夏築蛇淵囿大蒐于比蒲

薛弒君薛弒其君比

策書未詳

十有四年

衛臣出奔春衛公叔戌來奔

公叔戌公叔文子子也以富故且惡于南子出奔

衛出衛趙陽出奔宋

衛出夏衛北宮結來奔

天王歸服天子使石尚來歸服

策書闕

衛世子 衛世子蒯聩出奔宋 二條 一貫

衛靈公世子以得罪于夫人南子出奔

出衛 衛公孟彊出奔鄭 贖黨

大蒐于比蒲 邾子來會公

策書闕

城莒父及霄

十有五年 春王正月 邾子來朝

麋鼠食郊牛牛死改卜牛 夏五月辛亥郊

壬申公薨于高寢

鄭罕達帥師伐宋

策書未詳

邾子來奔喪

秋七月壬申妣氏卒

策書不詳何人

八月庚辰朔日有食之

九月滕子來會葬

丁巳葬我君定公雨不克葬戊午日下昃乃克葬

辛巳葬定妣 冬城漆

哀公

元年 春王正月公即位

蔡遷楚

楚子陳侯隨侯許男圍蔡

七條一貫

蔡請吳伐楚在定四年而楚乃報之圍蔡而滅其

國使遷于江汝之間蔡侯懼陰請遷于吳

蔡遷

二年十有一月蔡遷于州來蔡殺其大夫公子駟

而吳師遂逼遷之乃以公子駟不欲遷殺之而吳

而遷其墳墓于州來

蔡遷

三年蔡人放其大夫公孫獵于吳

且又放公子駟之子而策書未之詳也

蔡遷

四年春王二月庚戌盜殺蔡侯申

至是蔡侯將之吳諸大夫恐其又遷也公孫翩遂

道弑蔡侯如盜然而大夫文之錯討盜殺翩

蔡遷

蔡公孫辰出奔吳

蔡遷

夏蔡殺其大夫公孫娃公孫霍

于是盜黨有奔者有受誅者

蔡遷

冬十有二月葬蔡昭公

然後君得葬焉嗟乎乃爾

六年麇鼠食郊牛收上半年夏四月辛卯郊

魯伐邾

冬仲孫何忌帥師伐邾

九條一貫

定公薨時邾子來奔喪今忽伐之不可解策書闕

邾

二年春王二月季孫斯叔孫州仇仲孫何忌帥師

伐邾取鄆東田及沂西田

且三家共伐之而取其田何也策書未詳

邾癸巳叔孫州仇仲孫何忌及邾子盟于句繹

三家同在師而盟不及季孫亦不可解策書未詳

邾叔孫州仇仲孫何忌帥師圍邾

策書闕

邾六年冬仲孫何忌帥師伐邾

策書闕

邾七年秋公伐邾八月巳酉入邾以邾子益來

前經五伐今六伐矣且公又親往則或利其地或

惡其事必有所由而策書總不知也此但述子服

景伯沮伐之語與邾大夫茅夷鴻請救于吳之事

則當是此經策書不失耳據此經我入其國而俘

其君而策書則云獻于亳社因諸負瑕則似有意

滅其國者其未滅以吳救故也然則魯亦無道矣

邾八年吳伐我

邾大夫茅夷鴻請吳救且曰魯賦八百乘可與吳

敵邾賦六百乘即吳屬矣吳遂伐我幸吳不得志

但求成于魯而去

邾歸邾子益于邾

我乃釋邾子歸邾而吳不知何故反使太宰嚭討邾囚邾子于樓臺以棘繞之而使其子邾桓公為政策書仍未詳也

邾

十年春王二月邾子益來奔

越二年而邾子來奔向之為我俘者今復奔我總

不可解

傳又云奔齊其後奔越越人納之見簡書

晉

二年夏四月丙子衛侯元卒

五條一貫

前定十四年衛世子蒯瞶已奔宋矣至是衛靈卒

夫人欲立公子郢而郢辭之乃立蒯瞶之子輒

蒯

晉趙鞅帥師納衛世子蒯瞶于戚

見叛晉條

而晉怒衛靈叛晉謀伐衛喪因乘靈未葬而納瞶

于戚在晉固無道而瞶未嘗有先君之命名令還

國然且父死不葬爰及于戈則不子矣

蒯

秋八月甲戌晉趙鞅帥師及鄭罕達帥師戰于鐵

鄭師敗績

見叛晉條

時晉范中行氏以叛奔朝歌正值齊衛鄭叛晉之

際故三國共戍朝歌而瞶乃合趙鞅兵敗齊鄭師

蒯

冬十月葬衛靈公

蒯

三年春齊國夏衛石曼姑帥師圍戚

見叛晉條

是齊師圍瞶本屬報伐

公羊稱伯討胡氏稱輒黨皆誤

衛師圍戚

亦半屬拒晉穀梁稱以子而輒以新君而與乎其

間一似茫然不知有父之在戚者報贖禦鞅總成

拒父則不子矣故曰春秋成而亂臣賊子懼此俱

賊子也其後贖之入見簡書在哀十四年贖之弑見策

書在十年而輒則一出一入而終死于越春秋垂戒

豈遠乎

二年滕子來朝

三年夏四月甲午地震五月辛卯桓宮僖宮災

季孫斯叔孫州仇帥師城啟陽備音也

秋七月丙子季孫斯卒冬十月癸卯秦伯卒

四年 葬秦惠公

宋人執小邾子

策書闕

晉人執戎蠻子赤歸于楚

晉為楚執蠻以悅楚

城西郭 六月辛丑亳社災其謀茶

秋八月甲寅滕子結卒 葬滕頃公

五年春城毗

夏齊侯伐宋

策書闕

齊陳氏 弑立 秋九月癸酉齊侯杵臼卒

四條一貫

齊景無適子愛少子荼而使國夏高張立之

弑 閏月葬齊景公

弑 六年夏齊國夏及高張來奔

齊大夫陳乞將謀弑立先與鮑牧諸大夫謀去國

高二氏而二氏來奔

弑 齊陽生入于齊齊陳乞弑其君荼

陳乞乃召公子陽生于魯脅鮑牧共立之而弑荼

焉陳氏將移齊而世為弑逆如此

五年冬叔孫還如齊

會葬景公也

六年 春城邾瑕 晉趙鞅帥師伐鮮虞

吳伐陳

報圍蔡也

盟會 六年叔還會吳于柎

六條一貫

策書闕

魯吳 七年夏會吳于郟

策書不詳

魯吳 十二年公會吳于橐臯

此吳召會也策書不詳

魯吳 秋公會衛侯宋皇瑗于鄭

吳召會也

魯吳 十三年公會晉侯及吳子于黃池

見晉吳楚條

吳會晉而我與焉

魯吳秋公至自會

六年秋七月庚寅楚子軫卒

宋鄭七年春宋皇瑗帥師侵鄭策書有誤

鄭宋宋皇瑗帥師取鄭師于雍丘策書有誤

鄭宋九年秋宋公伐鄭策書有誤

鄭宋十年宋人伐鄭策書有誤

鄭宋十二年宋向巢帥師伐鄭策書有誤

鄭宋十三年春鄭罕達帥師取宋師于岳策書有誤

七年冬鄭駟弘帥師救曹宋人圍曹時鄭救之

吳伐我八年吳伐我以邾邾來伐見伐邾條

齊魯夏齊人取謹及闡七條一貫

初齊公子陽生奔魯時季康子以妹妻之及陽生

弑茶而立卽來取女魯疑女有他行不敢與也齊

侯遂帥師伐我取二邑去

齊魯齊人歸謹及闡

我乃與之平歸季姬于齊而齊侯嬖之還二邑焉

齊魯十年公會吳伐齊三月戊戌齊侯陽生卒

值吳子欲會齊伐我而齊辭之吳子怒因召我會

師伐齊而齊人遽弑齊侯陽生以悅吳此不知何

人所謀且孰為弒之而策書仍未詳也

魯齊五月公至自伐齊齊魯而齊師伐我

魯齊及齊簡公立而修怨于我幸冉有以季氏之甲并

魯齊已徒卒與戰于郊獲齊甲首八十而齊師遂遁

魯齊五月公會吳伐齊甲戌齊國書帥師及吳戰于艾

陵齊師敗績獲齊國書

及夏而公復會吳師報郊之戰乃敗齊師獲國書

等五人及革車八百乘甲首三千而于是終春秋

之世無構報焉其後魯與齊平子服景伯與子貢

特使齊而為之成之見簡書策書

八年秋七月冬十有二月癸亥杞伯過卒

九年春王二月葬杞僖公

楚吳夏楚人伐陳三條貫

吳與楚爭陳前六年吳伐陳陳成于吳故楚伐之

陳爭十年冬楚公子結帥師伐陳

陳爭吳救陳

及楚使公子結再伐而吳遣延州來季子救陳季

子謂結曰二君不務德而力爭諸侯民何罪焉我

春秋條貫篇

春秋條貫篇

春秋條貫篇

請退以爲子名務德而安民乃還此數語極中春秋交爭與國之病非季子不能爲是言然季子讓國在襄十二年計其齒當近百歲恐不能帥師且其人自聘魯後不見行事卽以夫差之狂逞而宗臣耆老並鮮匡救區區此語不發于受服之時而發于交綏之際吾猶以爲非延陵嘉言矣凡此皆當闕之以俟知者

九年冬十月

十年 衛公孟彊自齊歸于衛

薛伯夷卒 秋 葬薛惠公

十有一年

夏 陳轅頗出奔鄭

以黷貨見逐

秋 七月辛酉 滕子虞母卒

冬 十有一月 葬滕隱公

衛世叔齊出奔宋

卽太叔疾也 孔文子奪其妻出奔

十有二年

春 用田賦

夏 五月甲辰 孟子卒

昭公夫人

冬 十有二月 螽

十有三年 夏 許男成卒

楚公子申帥師伐陳

策書闕

葬許元公 九月 螽

冬 十有一月 有星孛于東方

盜殺陳夏區夫

策書闕

十有二月螽

十四年 春西狩獲麟

十有二
月命
春

